

晚

晴

移

詩

匯

晚晴移詩匯卷一百十五目錄

喻文鏊

十四首

張鏞

四首

郭麐

十四首

郭鳳

一首

嚴元照

三首

鈕樹玉

七首

顧千里

五首

瞿中溶

三首

劉開

十一首

吳定

九首

任兆麟

十三首

莊宇逵

十首

袁棠

五首

印鴻緯

三首

朱彭

一首

袁鈞

二首

羅觀恩

三首

余慶遠

一首

王志湑

二首

晚晴簃詩匯卷一百十五

徐世昌

喻文鰲字治存一字石農黃梅人貢生官竹谿教諭有

紅蕉山館詩鈔

秦小峴曰石農詩宕逸奇肆所至登臨懷古憑弔嶺
巖或饒嶮而激壯或寥邈以荒忽不名一家要皆原
本忠孝有得於古人之旨
詩話石農與漢陽葉雲素友善雲素子東卿其女夫
也其送女示葉堦志誦句云阿翁真得婿愛女甚於
男其詩頗饒骨力在楚人中足爲杜于皇顧黃公諸
家嗣響晚歲自跋云迴思生平結習不忘拉雜摧燒
迄不能盡媿懼之深若陸淵谷蓋
有道之言非世俗標榜者比也

觀怡亭石刻

樊楚壯南服岷濤湧晴雪城郭淩江皋雲木互遮迤怪石
勢崩騰狀態矜詭譎如象復如馬又如龍出沒伊昔營飛

亭島嶼生櫛櫂元化涵滄溟踞石聚碑碣魑厲歸磨礱鐫
鉸紀歲月銘詞旣古異斯篆更雄傑蛟蚪不敢捫趯趯蘚
苔嚙彷彿釵頭痕忽詫金電掣李莒工八分神清體嚴密
固應六一翁集古擬三絕使君才且賢好古中情結闢榛
勞肥羅鳩工盡剔扶我驚神欲飛空山舞撇屑浩歌緬前
規流光祇一瞥

江夏行弔熊襄愍公

江陵死幾人相江夏誅幾人將錦袍花蹙銀麒麟白牌封
劍真將軍生手已易袁應泰掣肘更來王化貞臣罪當誅
血一縷不死封疆死門戶臣心可剖疏千言不任經臣任
樞部東廠羅織賢與良邦國殄瘁人先亡中原從此遂破
裂九邊傳首禍最烈九邊風雪黃雲高魂兮歸來何處招

痛吟性氣先生集江頭松竹寒蕭蕭

浯溪碑

青驪蜀棧塵冥蒙鳴之鵠之鵬血紅太子誓師洗國恥一
呼萬旗千麾從芟夷巨難殲羣兇宗社已奠京西東天心
祚唐齊送喜乚邕不喪功業崇功成何有日再中胡爲高
臺靈武築至今遺恨填襟胸征繕立圉昔所許揆之先後
甯相同撫軍監國申大義以權濟變欺羣孽鳳輦空迴劍
閣峯黎園已散上陽宮西內零落荒煙叢金鋪繡澁蒼苔
封鸚鵡問安舞馬泣廐奴脣舌誰爲攻興慶樓頭瞻日角
父老呼拜空歡悰處人家事非倉卒山人不齒尺寸功靈
武築臺非善始西內深閉難善終據後觀前可知矣史家
載筆誰從容魯國肇集道州製其義終要森蒼穹千秋興

廢那可訊寒雨漠漠霏長空

明宣宗松鼠圖

雍熙世人垂拱初殿前高揭幽風圖西苑從容閒遊戲瑣
猥不復遺形模澹墨一掃穢芒鬚彤彤上應星玉樞厥類
饒饒名終殊緣木似欲跳撲朔窺隙豈更張睢盱竹間松
際走且逋不敢憑社同城狐其時四海歡宴酺猗蘭操奏
賢良扶仁知樂壽森寶書偶然繪事心目娛栗猿山兔並
渲染龍賓虎僕精靈輸昨頒一幅寒夏里今賜數紙三楊
居奈何繼體失魁柄貂璫狂獠令人吁有明二百七十載
承平幾見歌康衢迺知游藝異喪志雖不矜伐趣亦俱翻
以纖細徵時愉不爾世上流傳者道君角鷹今豈無

張雪鴻

敬

畫松

萬物生靜慮微聞瑤笙吹空堂倚碧色抗手鸞鶴歸夙見
張公子秋巖逸興飛長吟仰竹屋寒飈拂人衣

沙市

極目沙頭市人傳故楚墟帆檣連夏口煙火接蒲胥青嶂
樊襄割滄洲戰伐餘三分雄霸業遺恨竟何如

一綫夔門險千峯盡虎牙大江吞漢水落日湧平沙杞梓
材猶舊沮漳望最誇沔陽應不遠蘭杜悵天涯

風俗由來靡琵琶飯甑攢幾人驕叱撥有客倚闌干下碇
投津吏分符領橋官竹枝聲唱徧遙過峽雲寒

巖巖金城壯沈沈戍角秋陸游還入蜀王粲暫依劉細柳
空蕭瑟輕鳧信去留玉窗岷雪裏市有袁中郎雪樓故址滾滾望東

流

左忠毅公祠

歇馬龍山傍古城椒漿一掬拜先生清流已盡封疆獄汗
簡猶高俊及名弟子能爲文信國友朋何憾寶游平墓門
寂寂松楸老似聽嘯鵲帶血聲

套中

賀蘭山下挽雕弧千里沙場戰骨枯豈識羈縻歸典屬更
從微調乞分符黃河三面孤城閉秋草平原萬馬趨此地
由來皆郡縣北門鎖鑰重邊隅
列隊南膜肅漢官袤延千里獵場寬沙田似掌垂珍粒塞
女如花拍繡鞍連幕留賓鋪罽煖熬茶供佛瀉杯寒莫非
王土皆臣列畛域何分一體看

讀中州集

完顏豪氣兩河雄
人物中原自不同
若似紫薇爭派別
問誰配饗杜陵翁

涼葉蕭蕭滿目秋
迂辛短李舊風流
曩臣白髮何人在
野史亭邊望蔡州

張鏞字金聲一字經笙吳縣人監生有思誠堂集

詩話經笙家吳縣西洞庭山性迂僻不合於俗乾隆嘉時以古文名詩博涉諸家上規李杜

自縹緲峯至石公山入明月菴

凌晨越高嶺紆回轉南路杖策晞石公
菁蔥鬱翹楚窄徑登嶺吮繲屬少安步
劍樓勢若削雲屏看疑仆突兀拔幽壑
窈窕穿輕霧褰裳入空翠明鏡一湖注
百里顧盼間飛帆渺孤鶩隔江青
嶂列麗日媚煙樹微風湖上來披襟得
佳趣夕陽歸招提怪石聳平圃
几榻皆峯巒屢落樽枌

高枕聽濤聲層軒俯流沔優曇會禪心清磬消俗慮平生
探幽興宿磨煙霞痼洵美茲山川勝游愜情素

登黃鶴樓

陡絕臨無地高樓入窅冥江流吞楚白山勢入吳青日月
摩裛柳風雷走戶庭憑欄清興發我欲叩仙靈

過洞庭

楚望無厓說洞庭桃花春漲杳冥冥巴陵地失波中白彭
蠡湖連天上青不見帆檣惟北斗卽無風雨亦南溟此身
恍惚如春夢愁絕君山渺一星

太白樓觀蕭尺木畫壁

尺木老人年八十太白樓頭留絕筆揮霍十指生煙巒董
巨判關咸氣奪落帆直上牛渚磯驚看壁上排巖巖四山

拔地出天闕乾竇坤位無乖離天門日觀陡而壯峨岷積
素殊其狀回鴈峯高巫峽長香爐瀑布遙相望鎮高嶽聳
西與東齊州九點青蒙蒙峯巒向背覺明晦江湖頓洞疑
奔漲羲和策馭走屋底雷雨喧逐清晝裏澗壑淙淙檻際
來元氣淋漓妒真宰我生由來好探奇往往名山欲問之
瞿唐岱畎萬里隔足繭終年或未窺茲從一室紛相列眼
底峯峯昭若揭奪造化兮泣鬼神觀止此矣我心折天光
澹沲日氣清憑欄四望暮靄平同行顧盼無人賞欲覓青
蓮共跨鯨

郭麐字祥伯號頻伽吳江人諸生有靈芬館集

王德甫曰祥伯詩初效李長吉沈下賢稍變而入於
蘇黃余題行卷云覽其詞旨哀怨爲宗玩厥風華清
新是尙如見衛叔寶許元度一流人物阮芸臺曰
郭君頻伽麗而清白一眉與余相識於定香亭上其

爲詩也白抒其情與事而靈氣入骨奇香悅魂不屑
屑於流派殆深於騷者乎吳穀人曰靈芬館詩擺
脫凡近操雪精神大抵希軌於謫仙而取雋於玉局
凡山川閱歷風雨歎歌能以已之神明入乎其內故
麗而不綺精而益深
詩話嘉慶間頻伽以詩名吳越與金學蓮手山吳嵩
梁蘭雪稱三才子其詩以清雋明秀爲主正如王謝
家子弟衣冠吐屬故自不凡洪北江擬以大隄游女
顧影自憐要未足以盡頻伽也

曉發

柔艣蒼茫外高城杳靄閒霞明浦口樹人語夢中山喚起
翻思坐催歸未卻還扁舟載黃蘗蕭瑟下江關

登金山塔頂同鐵門賦

飛鳥忽在下此身已上方東南浮日月天地俯青蒼夜鉢
歸龍子風幡定鴿王不知江水外何處更茫茫

遲惜抱夫子不至仍用見送韻奉寄

鍾山翠色落遙天伏枕高齋思悄然風雨江湖成冷節人
生離合逼中年士窮豈有文堪賣才薄羞爲世所憐便擬
相從判歲月龍眠一壑卧風煙

舟中雜詩

京口至淮陰三百六十里中雖隔一江風便兩日耳奈何
上水船逆流不得駛長雨與闌風行行且止止舟子亦坐
愁溼衣堆船尾炊煙滿篷窗卧倒呼不起婦子相訴諄明
日已無米火伴想怨尤路滑傷將指吾生多速邇行路亦
如此溫語勞長年窮薄吾累爾

泊舟山塘橋始有離別意一過潯墅關茫茫從此去送者
自厓返余亦不得住兩日呂蒙城三日京口渡昏昏失山
郭歷歷墮煙霧犬吠知人家燈明辨江步舟中無可娛弄

筆賦長句一日成一詩有得輒復補初不計工拙亦非紀
行路歸家詫親知破愁有此具

客中無所親僮僕亦吾友一僮乃新來相依未云久與譚
家中事渠亦未深剖與言客中愁渠亦牛馬走問之始一
答否卽深閉口視其顏色間離思亦時有問家有何人有
父亦有母不知一月來定復念汝否雨餘風色大衣薄短
見肘惜此人子身天寒可無酒

兩生相逢行贈彭甘亭

兆蓀

青天盪盪淮陰城城中城外惟兩生一生來吳淞車腳偶
轉風中蓬一生弇山客作客三年歸不得吁嗟兩生一城
隔一生不入一不出一生閉寘新婦車夜惟抱影月抱書
偶然一落筆驚走千蠹魚一生自是悠悠者肥肉大酒便

結社有時精悍生眉間有時蒲伏出跨下瞳瞳曉日城門
開千人萬人紛往來兩生白眼看
不見但聞鴉鵲浩浩聲如雷何來故人忽傳語咫尺兩生奈何許
一生馳書若傳箭一生笑口如流電十年鄉里各參商豈意今朝乃相見
嗚呼世間萬事奇絕多若此男兒那不長貧賤相逢不用感慨多
但須痛飲爲長歌歌成兩地發高唱自出金石相鳴和韓侯臺下波
粼粼漂母祠前草沒人英雄兒女盡安在天涯珍重雙浮萍明朝
一生挂颿去便將入海尋煙霧從來國士說無雙斗大淮陰讓君住

宿靈鷲山家

山深時有百蟲鳴敲枕危樓酒半醒忽地西風催落葉急
呼鐙起聽秋聲

和丹叔十九日大雪呈伯子韻

山人住山如山禽聞聲能識陰與晴今朝不聞一鳥語寂
靜更覺茅檐深擁褐高眠意殊得人事那愁隨日出隔箔
銀鐙澹欲無蘊火銅餅曉猶熱小弟亦無食肉相不愛羊
羔愛新釀乞米慣學顏平原種秫苦愛陶元亮曉寒思酒
起來早開門見雪喜欲倒喚我同看不暇慵如君清興亦
復好天公作事喜出奇兩年春雪偏如期方今武林欲去
日絕似歸櫂山陰時百年未滿別離有懷抱能開不如酒
一飲先判醉似泥三更已見星橫斗

得延庚侍御書期余入都作詩謝之

金闕觚稜夢已非不才甘與世相違上書年少先華髮射
虎將軍今短衣永憶江湖堪送老驚心故舊亦全稀劇憐

青瑣登朝籍肯念滄洲有釣磯

山公啟事豈其時作答休嫌叔夜遲尙有功名身後事不
爭好惡世間兒作歌漫擬丁都護屬和應無高漸離河復
詩成兵馬洗采風或用擊轅詞

項孔彰畫酒甕中桃柳爲思亭題卽次其韻

後庭花落金甌碎燕子春鐙等兒戲豈知世有醉鄉民尙

作承平舊時意

畫在乙酉

月波樓頭清若空時亦小滴真珠紅

連瓶餉客定不俗乃以破甌留胸中畫甕與眞了無異更
得流傳歸好事柳枝桃葉不解飲請入此中同一醉吳生
落拓稱酒人可憐釜底常生塵愁來且抱畫甕卧夢尋浩
盪郊原春

江西道中屢見水碓欲作詩未果頃讀東坡博羅香

見其集詩卷之一 五
積寺詩序有可築碓磨之語用其韻補作

山迴水複逢一鄉疏星煜煜鐙射芒蕭條知是百家聚灘
潭疑渡十里黃谿尾隆隆自春穀山腰稜稜方插秧一隄
聊障急流折百步乃倒迴瀾狂羣猿聯飲股脚結老鶴俯
啄意思涼轆轤宛轉響金井竹箭壓疊成宣防青幫朝汲
愁抱礬白髮夜守還然糠此中大半飽雀鼠或亦時作蟲
魚香用紙亦碓我來正屆麥秋候到處乞食兼乞漿端能食
新意已足不怕二鬼來膏肓

我家江南真水鄉遙村遠樹如鍼芒每看孤帆入浦黑晴
見落照依山黃平畦方罫在屋角曲港一色連青秧平林
小聚結龔舍隆隆雷轉塵風狂攜歸杵白勞婦子冬日破
襖如秋涼豈知此間借天力迴斡迅流成曲防風輪孰使

自旋轉河伯能與揚秕糠長腰已作雪霜色入鼻便覺餅
餌香水於人世利最博不惟灌漑兼酒漿此巧又出常智
外人病元氣眞膏肓

郭鳳字丹叔吳江人有山礬書屋詩集

己未二月移家魏塘

頻年卜宅願常賒得地而今又自嗟百歲故居成逐客一
湖新水送全家丹雘白犬隨行笈綠箬青蓑伴釣車補幅
移居圖也好春風婀娜片帆斜

嚴元照字修能號九能自號晦菴居士歸安人諸生有

柯家山館遺詩

詩話修能住石豕村建芳萊堂聚書數萬卷多宋元
本後移居德清鍵戶讀書作爾雅匡名娛親雅言工
倚聲詩和雅清婉得風人之旨

呈梁學士丈

鸞飄鳳泊酸齋字不見經年態倍新
案上博山鑪欲活階前書帶草初勻
倚牆閒殺竹尊者入坐欣逢石丈人
至竟公家春信早寒梅檻外已精神

送戴刑部入都

知名自垂髫三十年於今旣覩君子面
始知古人心蹤跡共萍水言論合芥鐵
客游得良友快勝干黃金萬卷貯心胸
不作書中蟬心如九秋月了無纖翳侵
前生定老衲茅菴結嶽崙偶然落塵網
共載參朝簪行藏學閒鷗隨波共浮沈
泠泠太古意悄若風中琴在山忘出山
軒冕非所歆長安居不易向平累尙深
辭榮非此時歲月馳騁駿西湖佳山水
知君豈滯淫去去莫回頭爲君留清音
期君十年

後芒屨重相尋

留章傑家五日辱楊三

鳳苞

高二

鈴

沈二

咄

丁

如琦

倪二

印元

奚大

疑

周大

中孚

王二

獻

張三

文裳

高

大

錫藩

先後枉顧歸舟賦此以誌清集

秋風吹菰蘆涼意入清霄維舟玉湖畔始見翠屏疊故人
別江鄉歲月熟羊腍歸裝無黃金潦倒一長鋏尊酒相勞
苦塵土尙滿頰平生二三子元賞意所愜終朝開竹徑巾
笠日三接山光遙映几墨花紛滿箋疏桐隔院響五日客
心怯悵焉挂輕帆風雨秋二葉推蓬重回首水雲隱城堞
不見薜蘿人薔花怨歸楫

鈕樹玉字匪石吳縣人有匪石山人詩

詩話匪石洞庭布衣爲錢少詹弟子博治說文名其家作小篆寓規矩於生動與同時諸名輩游詩才清

出亦樸學者所難感興諸篇蓋深慨
於當時學術風尚言外雅有微指

感興

古人成一藝心力爲之瘁苟欲徇人好豈能臻絕詣汲汲
夸毗子於旨本無會自此自矜奇徒增識者喟

白玉委泥沙燕石競什襲貴賤良有時鑿枘安能入習俗
信難移畸人甘獨立抱璞亦何傷每病卞和泣

門戶生水火偏執成支離豪釐忽千里一失不可追恬淡
害自遠盛滿人莫規大道本無隱盲者何由窺

載舟與覆舟水性本無二勢成在一激天道亦人事厝火
於積薪安得不燦熾處變而守常紛紛焉足恃

嬰桃瓦當歌

嬰桃轉舍最後出甘泉平樂紛流傳懈予昔箸新附攷謬

以含鳥箋青編嬰之爲義乃言小當春特薦登豆籩木旁
增益起後世轉使正義生纏牽陳君一跋特明暢掃除異
說歸真詮斲冰積雪臨歲杪故鄉景物偏流連靈威大文
不可見韓陵片石頻磨研古來篆籀日漫患賴有金石餘
雕鐫幸矣斯器藏大雅豈令過目同雲煙

中秋前一日雨中泛舟詣學耕堂晤黃義圃卽題其
梅花吟卷

萬重花氣壓春雲一片瑤光戀夕曛舊夢不離香雪海絕
憐伴侶邈難羣

晝裏寒香尙未殘清詞娓娓出吟壇維摩滅度洪崖逝從
此春山不忍看

顧千里初名廣圻號澗蘋元和人諸生有思適齋集

詩話淵源通六書精校勘之學張古愚刻禮記儀禮胡果泉刻文選通鑑黃蕘圃刻國語國策皆出其手服膺宋五子摘語錄尤切近者爲

遜翁苦口詩澤古既深擇言自雅
陳仲魚孝廉索賦經函詩率成二十韻

兩宋併注疏越中出最早後則蜀有之沿革例了了今均無見者款式詎可曉惟建附釋音三山別離造黃唐跋左傳其語足參考流傳爲十行一綫獨綿藐勝國在南雍修多元漸少遞變閩監毛每次加潦草年來幾同人深欲白醜好謂此已僅存究遺乃當抱寓公得陳髯志力兩天矯盡收十一種雞跖食庶飽悶時玉蘊積開處籤飛漂題詠徧名流善頌子孫保阿誰負大力悉舉重聚聚海內家一編落葉將毋掃惜哉西湖局雅志敗羣小苦爭自癡絕未障狂瀾倒眼前散雲煙隙裏馳驟裏撫函三歎息冉冉吾

其老

蔣伯生入關圖

舊雨顏仍接前塵首屢回深嗟荷戈去劇喜入關來未礙
雄談在何能壯志摧歸耕宜輟計世事正需才

孫武私印爲淵如觀察作

宮中教戰事依然此印沈埋定幾年天與文孫重管領猩

紅鈐上十三篇

時方刊宋本孫子

爲有英威抵虎符土花蝕處肯模糊將軍破楚功多日別
鑄黃金斗大無

諦玩橫增弔古情樂安祖德最知兵短衣匹馬君何事訪
徧巫門大冢平

瞿中溶字莢生號木夫嘉定人諸生官湖南布政司理

問有古泉山館詩集

詩話木夫博覽羣書尤深於金石之學收藏甚富以
未秩官湘中搜訪石刻足迹徧於窮鄉海內之嗜金
石者多與之交馳書商析幾無虛日

陵陽廟宋鐘

陵陽古仙人記載說有二姓竇名子明其術善服餌剖魚
得丹書學仙志以遂或云放白龍三年龍復至迎之上昇
天頗類琴高事縣名始漢時山分紀唐志今實在宣城三
峯各位置廟貌古衣冠血食斯土地舊碑已無存難斷漢
晉異有鐘鈕辟邪治鐵勒款識己卯紀紹興俗書不成字
不知何年人移來甘露寺急爲滌塵封審辨至再四手拓
墨本歸揮汗忘形瘁我昨訪梓君廟碑皆明季又搜刻漏
文久已佚其器因歎古蹟留每遭造物忌此非神仙護完

好良不易長揖謝陵陽感君錫奇祕

孟蜀石經傳世已希聞程芳林明府藏有左傳殘本
頃偶過茂堂段先生齋適見此冊於案頭急假歸
摩挲數日字較唐刻稍小而結體端勁仍不讓焉
冊尾有翁閣學詩跋因追和其韻兼呈段先生

王鱣祥寫蓮華經紺塔遭劫多飄零昨年友人攜以示楷
法尙有唐儀型奈何孟蜀九經刻殘本僅得讎彤廷芳林
先生今賈服疏解經誼析渭涇豐城作令識劍氣獲此至
寶光晶熒輕裝載歸傲廉石護持千古多神靈我聞汲汲
訪石室舟中空望蓬萊青神仙之境不可接伏生口授音
難聆前繼開成後嘉祐安得於此分畦町酉陽齋頭今忽
覩如覩天外墮鳳翎細遡源流叩梗概一時欲撞洪鐘莛

公言武林有一本天天恐鞠心常銘山谷家中寶藏弄張
君親款娜嬛扁我應唯唯挾冊走直判一借酒罄瓶歸來
挑鐙數較錄墨采眩目如奔星文爲魯昭二年傳征南注
並雕岭幣六物之占證冊府李君筆記嗤道聽長歌追和
紀歲月後十五載募軒櫺

吉羊鐙室偶作

舍後秋蟬聒聒鳴嫩涼天氣雨初晴退翁不管人間事日
理殘書事後生

劉開字明東一字孟塗桐城人諸生有詩文集

詩話孟塗生數月而孤年十四以書謁惜抱先生大
奇之因著籍門下工駢散文治經能矯空虛破碎之
病不敢私逞己見與方植之管異之梅伯言齊名時
稱方劉梅管性伉俪嘗於飲次痛責姚石甫石甫忿
走往復至再三而責加厲幾不可堪卒感其誠復坐
飲盡歡而散其直諒類此鮑覺生題其詩集云卯金

才子龍眠客手扶天孫錦七襄幻出雲霞生古色濯
來江漢發奇光洲晴芳草題鸚鵡坡老蒼苔弔鸛鵒
不信三閭人去後
到今蘭芷爲君芳

贈別金三資舫

相知樂今夕華月共芳筵甯知君見愛乃在三載前鸞鶴
本同心不計時後先感君期我厚起坐爲流連旨酒有餘
歡何必羅清鮮天寒氣蕭瑟倏忽駒影遷流雲未得歸竟
與回風旋此行君莫惜江水深無極

春曉詞

東方冥冥煙初生晨光半斂含空明流鶯百舌不住語似
欲帶曉呼春晴幽人獨向空山宿風起微寒入巖壁一枕
西窗夢未殘門外落紅深幾尺

江東年少行

江東年少愁風雨，獨立空亭望空渚。行行江上止復去，煙
水接天天不語。自云作客淪風塵，可憐未識江南春。前逐
飛鳶後烏鵲，山木爭號疑怒人。天涯池館多舊識，哀管繁
絃淚如積。日暮高吟動鬼神，曲終月落無人惜。當時一顧
勞孫陽，挺立奇骨騰龍驤。精靈已與物摩盪，意氣不爲人
飛揚。十一年來霄路阻，慈孤愛割去鄉土。骨肉支離驚夢
魂，雲物高寒森極浦。臨歧未敢久延佇，似有旁人竊爾汝。
愁深難作歡笑言，長恐相逢問寒暑。聞君此語重太息，江
水悠悠竟何極。思歸未歸君莫悲，我已早歲離庭幃。

閨情

高樹夜涼起小樓，秋思長含情問鸚鵡。伏枕夢鴛鴦，露滴
自成響。衾寒猶有芳妾身，似秋草搖落不勝霜。

寄家書偶懷

回首征車出故林，浮雲滿地起層陰。
臨行已覺無他語，別去偏多不盡心。
人事半從春後改，江波流過漢陽深。
東歸久報芳洲隔，更聽孤鴻月下音。

月夜過太白樓

天上餘孤月，人間獨此樓。
惟公堪一醉，與我共千秋。
碧樹迷仙迹，青山憶舊游。
登臨無限意，雲水自悠悠。

琵琶亭

白傅風流迹，尙存蕭條亭。
外又黃昏人，間多少英雄眼。
不把青衫拭淚痕。

卽事

落葉蕭蕭下古邱，人家遙隔楚江流。
雲無定影朝穿牖，樹

有殘聲夜語秋半載心情愁北渚一城風雨對西樓蓬萊
仙闕分明是辛苦劉伶作醉侯

偶成

日飲長江水誰知江上心煙波渺無極只爲別離深

題周南卿品茶圖

午窗睡起閒花落酒香不解秋懷渴茶鐙風細爐煙清半
甌綠淺濃如酪東坡酷愛密雲龍君之嗜好毋乃同茶經
熟讀意未足製器精巧非人工飲雖小道總師古我宗杜
康君陸羽座上休誇醒酒功酌久纔知味甘苦品茶品水
須兩全水清宜用活火煎問君日試西湖水何似金山第
一泉

寄懷石甫

怪雨盲風苦夢思故人作吏久天涯全家渡海非吾意萬里騰聲動主知煙樹瘴消春曉日魚龍氣靜夜談時可能豪蕩還如昔銀燭高筵坐詠詩

吳定字殿麟一字澹泉歙縣人諸生嘉慶丙辰舉孝廉方正有紫石泉山房集

詩話澹泉爲劉海峯弟子工古文辭姚惜抱每爲文必與就正引爲畏友十六歲居母喪夏不持扇潛心濂洛之學有論冠昏喪祭諸作其詩古淡純樸見高世之志

寫憂

捐軀敢輕擲偷生慘不歡生死兩迷惑堂上病悽酸纏綿復纏綿冉冉歲將闌一身不自甯猶念兒衣單素絲結易解我罪奚由寬誓將厲六翮鳴號叩天關明月照前庭蕭蕭有餘寒皇天竟幽默喟然摧心肝

少小慕墳典覽古窮杳冥逶迤侍藥鑪寒暑日以更中宵
不能寐仰觀燿燿征悠悠盛年逝將與草木并猶酣啟靈
鑰壯思浩難局儲土望成岡儲石望成城皓月流素輝大
火揚朱英我生欲何爲哽咽雙淚零

游南山

我非皇古人常懷皇古心窮居寡聞見登彼南山岑山中
何所有松柏鬱成林枝葉揚青蕤修幹直千尋思爲棟與
梁霜雪自此深

送姚姬傳奉太夫人歸桐城

身事艱如此飄然返故鄉關山依老母幻夢託空王野闊
風驅霧秋深月帶霜南陔私欲贈無語忽沾裳

晤劉效斟因憶海峯先生

歷歷關西痛言之不忍詳因君來歛浦觸我憶樅陽語少
衣多涕愁深夜更長遺書誰護惜終古此牽腸

喜金生應琛至

繞屋水沄沄樵歌隔水聞故交同落葉新識似浮雲鍵戶
予常懶親師子獨殷名家風義古珍重託斯文

江上

佳人有所思整帶吹參差楊柳煙波處桃花風日時颿檣
暮不息江漢逝如斯明月有圓缺清光終不移

舟中

秋風起遙岸歸思夜來生今朝竹西水盡作故鄉聲

懷汪左儀

我有白蘋芳能令江水香隨風千百折無日到君旁

任兆麟字文田號心齋震澤人諸生嘉慶丙辰舉孝廉

方正有竹居集心齋集

彭尺木曰文田從子游十餘年矣客歲冬抄出一卷詩相質中間意到之作往往造王韋門庭其性情之際有適相契者非獨虎賁之似而已江鄭堂曰心齋詩格在右丞蘇州間至其發纖穠於簡古寄至味於淡泊直可與畫戟凝香者分席而坐蓋得於王老伯者十之三得於韋者十之七詩話文田少習舉業應試恥有司防檢遂棄去潛心經學後舉制科以母老辭段玉裁嘗與文田族諸昆領從子田游謂子田深於周禮所作詩直追漢晉儼欲惟好詩及養生家言歿年八十二

秋夜獨坐

處世雖等倫靜躁各殊寓茅齋殊蕭寂布褐安吾素石澗瀉寒泉花徑泣清露悠悠天宇空秋聲在高樹

江上歌送羅臺山歸江右

君住浙江南君來浙江北吹簫久作吳門客君今飄然向南歸目送孤鴻江上飛孤鴻影落秋江冷去去煙波買釣艇

初冬宿二林居夜起走筆簡秋士

朔風慘凜寒更逼殘葉蕭蕭砌階積攬衣起步月初上寥天夜氣澄虛白予懷浩浩何所營月影徘徊如有情板橋南畔無家客謫棄人間處土星

金銅仙人辭漢歌

漢皇曾讀南華第一篇卻慕吸風飲露姑射之神仙神仙臺起建章裏高懸銅盤金莖於寥廓之中天和瓊膏餐靈液九轉丹成一朝形釋白露兮渺渺秋風兮寂寂茂陵剩有土花碧盤底銅人眞仙客日慘澹兮無光風悲號兮多

苦南望九疑之野瀟湘之浦湘水深兮無極長此恨兮終
古噫嘻乎長吁銅折兮神不可折車偈兮斑斑漬血淒涼
兮誰訴惟照古時之朗月灞陵天遠水鳴咽秋雁年年影
蕭瑟

彭園卽事呈二林先生

雨歇天初霽閒園翠滿庭片雲空際落好鳥靜中聽以我
得無得相於形所形行藏了不異樓角晚山青

攜蔣子

洛

山塘訪石道人

山居秋正宜人意與之適行行訪道侶爲叩長生訣霽雨
散清暉高峯出秀骨日夕蒼煙生冥心棲石窟

古意

栽樹莫栽柳種花莫種蓮楊柳春風贈離別芙蓉秋水空

嬋娟長板橋頭游冶子攀條把作珊瑚鞭綠波南浦紅妝
女花中驚起鴛鴦眠秋來楊柳不堪折蓮子房空更可憐

彈子磯

滇江江流江石繞石形瑰特淩蒼昊書堂百里越觀音兩
巖已似來蓬島更有屢屢彈子磯天工不一呈奇巧磯下
澄潭集漁網磯旁縷絡衎靈草陡然削壁絕攀躋猿猱力
窮況魔魔風雨不來晝亦陰疊疊雲煙歎如掃上有乳竇
暈深凹周遭如月形珥抱相傳乾符孽盜試彈丸彈成石
的同天造我來板船此暫經探奇攬勝情何了篙師邪許
下前灘仰視月光已皎皎

重九後溪南采杞菊追和張永夫

杪秋物候變霜寒悴草木生人多所營歲月嗟已促聞行

北山集卷之一
繞溪南沿流有杞菊可以制頽齡采之不滿籜所願誠非
奢有得已盈欲緬維勑茅人此焉亦可託

宿明瑟園同黃五潢作

山翠罨簷流溪光入戶浮一林花影靜人在月中樓

擬唐人春宮曲

景陽鐘起散宮鴉星斗疎明淡月斜三十六窗春樹滿曉
鶯啼過碧桃花

偶題

一從故人別想念忽經歲徑草含微馨林月生空籟欲往
訪元蹤寒山白雲外

送陳十五毓咸之江甯試

離亭葉落雁聲哀人去金陵鬢漸催灞岸漫揮王粲淚漢

廷應薦長卿才南臨石闕秋雲迴北接江天夕照開六代
故宮禾黍外高吟獨上雨花臺

莊宇達字達甫武進人諸生嘉慶丙辰舉孝廉方正有

春覺軒詩草

詩話達甫以高材屢躋場屋所與游者雅存味辛皋
文仲甫輩皆毘陵傑出之士其詩出入諸家不名一
格遇忠孝節烈事尤激昂慷慨嘗自校中年以前所
作刪一切應酬諸什昔人所謂闊扁體者自比於螢
光蟬響可以微其志尚矣

與左二仲甫論詩

鵬言肇虞廷斷竹傳古調詠詩本言志風雅原忠孝靈均
繼三百以神不以貌柴桑元氣流高節羅眾妙大化敷文
章真機泄窈奧流鶯語清晨園林春色到月過生花光風
來響泉竅俯拾惟自然天籟誰能效

日月互今古景光常若新問其何以然得氣精且純太虛
淨浮埃罡風蕩纖塵所以此西東相因不陳陳言詩亦復
然性靈苦不真真境接時有一縷緇千春更閱億萬年火
不窮於薪新機日以續豈盡於古人願棄糟粕餘名理妙
引伸

架裝塔

元伯顏下常州護國寺僧萬安率僧徒拒守城破死難以架裝葬寺中故名

朔風橫吹白雁來長江飛渡鐵鎖開古睢陽郡獨陴守

文

山以常州爲古睢陽郡

鼓聲已死氣不摧是時佛出救不得壯哉瞿

曇百夫特手提鐵杖揮眾軍甘死疆場裹馬革白日晝晦
飛劫塵瞋目直入鑿波旬波旬萬千凌帝釋獨留浩氣歸
蒼旻孤城血流慘萬狀賸得袈裟寺中葬事定爲僧志不
酬竟以時危終作將

安公守城時有句云時危聊作將事定復爲僧

嗚呼宋季當

炎興降者遁者接踵仍牙牌官職書不盡廟堂纍纍粥飯
僧歲寒之松有衲子安公例得書青史眞寶拒金傳五臺
降魔更雪空門恥安公建義旗曰降魔坡書護國顏於薨得此不媿
護國名浮圖今歷五百載周垣削屢圍其瑩時新葺塔牆徐莫
尙傳方外侶徐道明莫謙之二人皆黃冠同時守城者碧燐別有一抔土梵宮
落日賦招魂秋草蒼茫不知處

江陰謁三公祠

誰維天柱持坤垠僉曰孝子曰忠臣卓哉閻公馮與陳孤
忠同日成三仁昔年王師定中原天戈所臨豎降旛陳公
一尉浩氣伸獨以螳臂撐車輪固知天命自有眞成命在
天義在人南關一敗如雲奔縋城夜請閻將軍將軍旣至
氣復振指揮箸畫如有神我兵奮勇乘闐垣奇師屢出攻

復竣市兒不待罇于申一以當百皆育賁涼風蕭械中秋

辰血腥原草棲游魂城頭月慘寒光昏鵬子鶚母呼其羣

五更一闕酒一樽

中秋夕聞公賜守陴者酒諸生許用製五更曲軍士皆以楚聲歌之

楚聲

激昂不可聞疾雷破山火炎崑以肉築壘鯨海濱紅光迸
出燭九旻越日東北崩城闔大凝之山獨不春寒谷之地
獨不溫巷戰三日天如曛十萬黔首化碧燐晨雞不鳴犬
不狺長風大海漂蓬根陳力已竭熱血噴閭公飲刃陳公
焚馮公翌守以廣文登堂懸帶符明倫嗚呼率土統一尊
集枯集苑玉石分大厦已圯一木神故知不濟殉以身廣
都名郡何岑負商郊倒戈例則遵四鎮虎符萬馬屯君子
猿鶴餘沙塵九隅簿尉義薄雲哀然翹鳳而翔麟神聖應
運開鴻鈞周頌殷義留明禋俎奇遵耦久不泯三公祠與

睢陽鄰

祠去睢陽
廟不一里

拜公之祠薦公蘋靈風來往江之濔

迂言

隔外擲雙丸年華去如水俯仰輿蓋中太倉一粟秕瞿然
撫此身叢過不可理幾希竟安在言之類有泚蜉蝣炫其
羽楚楚者誰子野雉求其雌有鷺鳴不已飢狼卜其食厥
智一何詭人也而此驚相去何倍蕤俗累易轆轤差不爲
所使伊余有結習詞章雅所喜孔雀有文采其毒卽在尾
沿流忘溯源緣枝昧根柢候蟲與時鳥好音倏過耳訛種
銅童蒙讀書博青紫如何四子言干祿一編視初念本輕
肥得志徒爾爾五更鐘未鳴沈酣黑甜裏紛紛蕉覆鹿攘
攘槐中螳誰呼寐者覺中夜蹶然起後古人而生先古人
而死長生本無方不死良有以口體皆頑腐炯然者惟此

嗜欲鑠厥眞甯靜保厥始祕茲徑寸珍金石不可毀迂言
以自箴庶不從風靡

將別故居遷小山堂之西偏感賦

庭花掩蔓樹扶疎惆悵西風別故居一宿三如留客舍此
行猶自愛吾廬嬉游少日情無限歌哭中年淚有餘易衍
克家書肯構孤兒心事痛何如

卅年枯苑小滄桑爲借鷦枝去住忙相識黃鸝曉四五重
來燕子感尋常牀頭有劍生光氣家具惟書自料量他日
經過成故里雙松回首尙青蒼

雙松晚翠先
太史樓名

小山叢桂正舒葩金粟香中住未差直以下鄰方買宅卻
緣久客便移家

新居卽頻年
下榻之所

幾年敝帚金猶享一片青氈

鬢已華擬學閉門生計拙梅花時節又天涯

明年將
往中州

書哭皋文詩後

人壽誰百年百年一彈指顏夭而跖壽至人不歧視促算
垂千秋修齡實短晷哭君復慰君痛定而悟始再閱數十
霜官秩可遷累落落無脂韋十年或不徙胸懷不能行耄
期亦徒爾著書已數尺可以壽奔祀聞君易簀時神明澈
秋水悠然去來閒全歸斯已矣鄉閭太息聲士林流涕誅
異口而同情賢愚竟一軌令名卽壽考曰終不曰死秦失
有三號此告茗柯子

味辛以蘇文忠所撰司馬文正公神道碑見示屬題
其後

豐碑紀功日磨礪諛墓之文苦充棟誰歟日星照兩間其
人其文交引重涑水學術醇乎醇古三不朽萃一身宣仁

臨朝拜僕射如旱而雨寒而春惜哉公年未中壽天不憖
遺保元祐臣軾秉筆無愧辭道媿周程業韓富儉人無何
報復恣發豕斲棺誕無忌豚魚可格獨不孚豺虎畀食此
亦棄黨人碑立龜趺蹲以公名冠端禮門元符貴人糊面
目不及石工公道存等片石耳鐫刻異一榮一辱分仇恩
嗚呼公之精神在穹壤是非顛倒憑羣枉當時魑魅空橫
行千秋麟鳳同瞻仰仆碑磨文文不磨皇統復立金山河
洛陽銅駝那可問宮鄰金虎終如何此碑七百餘年久曾
入虞山孟津手虞山有跋孟津有圖記附驥誰知已續貂文采風流
付芻狗磨兮不磷涅不溜芒寒色正典誥辭淋漓元氣自
往復可式浮詭扶衰疲亦有生齋味辛齋名今守藏示我遺碑
遙悵望二童一馬萬人環天下安時注意相

袁棠字甘林號湘湄吳江人嘉慶丙辰舉孝廉方正有

秋水池塘詩集

詩話湘湄父樸村耽吟詠結竹谿詩社湘湄與郭頻伽彭甘亭諸人游學乃益進又交奚鐵生畫亦知名詩多清婉之作五言風格較雋上

樓臺

樓臺縹渺樹周遮小徑蘼蕪一道斜春色重門深鎖住不知開過幾番花

胥江舟次贈蔣伯生

因培

回鄉仍作客舊業已無家公子衣猶葛高堂鬢欲華方舟留夜話孤燭照天涯揮手愁明發紛紛散曉鴉

寒翠石

此石不能語前朝事叢殘清游亦陳跡逝水無迴瀾在旁

孰知狀汝著冷眼看何當樵入圖挂壁生蒼寒

寫溪樓遲客圖系之以詩

高樹生秋聲孤村斷人跡峯寒不作雲重疊見山脈岡絕
沙句連游目杳無極晏坐水邊樓明滅數帆席誰從煙外
指人家住寒碧美人期不來幽景足可惜拈筆寫荒寒斜
陽澹將夕

揚州官舍贈徐稼庭司馬

判醉爲君盡一卮梅花水部有新詩蜀岡二月春堪畫社
日東風雨似絲官位已看黃綬貴交情還記布衣時故人
分俸尋常事鄭重平生鮑叔知

印鴻緯字庚實寶山人嘉慶丙辰舉孝廉方正有石唯

庵詩鈔

詩話嘉慶丙辰制科其中工詩者亦不乏人庚寅其
一也姚惜抱稱其無意求工清潔自適集中如白蓮
秋蝶諸作情韻俱足寄託遙深信是詩人吐屬庚寅
好古富於收藏熏習風雅子康祚承其家學著作蔚
然

翁海村見過出示近著並悉金石之富

胸次恢恢萬卷蟠對君方愧著書難殘年何意聯今雨一
晤居然證古歡龍簡惜無神爲守館壇間說字猶完聽鶯
居外春波暝尙擬來游盡借看

寒夜周海民過宿出示夢槐吟稿戲贈

海民新自蜀中從軍回

照壁昏黃一瓦鐙蕭然家具冷於僧問伊蹋徧槐安道此
段荒寒夢未曾

請纓雅許附元戎心膽嵯峨百戰中卽此便當傾我輩不
須重問楚人弓

朱彭字亦錢號青湖錢塘人貢生嘉慶丙辰舉孝廉方

正有抱山堂詩集

秋夜聞潮

錢塘形勝古莫比曲江名從枚乘起一日秋潮兩度來滿
城人住江聲裏吾家恰在吳山旁樓高遙見江雲黃夜永
鐙昏羣籟寂耳邊忽覺來洋洋初如春雷乍起蟄殷殷填
填聲未集旋疑鐵騎金戈奔蕩搖地軸翻雲根馮夷擊鼓
浩呼洶想見一氣浮乾坤近聞海上烽煙逼樓船風閃旌
旗色武備雖修盜未平出沒波濤頗難測安得壯士縛長
鯨灌燧銷鋒靜不驚老夫作罷河清頌高枕江村聽此聲
袁鈞字秉國一字陶軒號西廬鄞縣人拔貢嘉慶丙辰
舉孝廉方正有琉璃居橐簪袞堂集

詩話西廬九歲能詩父官京師賦詩以寄鄭炳也見而奇之遂師炳也十四歲補博士弟子員專精鄭學輯佚書二十三種重爲編次搜採鄉川文獻詩文書畫各自爲書

黃仲則景仁自太平來新安留試院月餘將有武陵之行詩以贈別

憶昔相逢歲在丑五載天涯惜分手如何復此客中別小住恩恩未爲久君家舊在東海東君才矯矯如游龍獨憐孤貧亦如我打包行腳身飄蓬飄蓬一去知何處風雨西冷夢中路錦囊收盡好山川郵筒定有驚人句少陵已往謫仙死後之作者竟誰是韓門張李蘇秦黃同學故人望吾子我輩行藏不可常側身東望天海長那堪去住同爲客辜負桑榆愛日光

城南觀荷

幽意每不愜獨行謝朋儔今朝暑未退且作城南游城南
古勝地漫漫隱林邱下有采蓮人蓮花過人頭水漲一痕
碧香浮數頃秋參差互相望衍漾分平疇好風穆然至解
袂臨清流卽此得閒曠終日忘淹留高興會有盡飛光忽
我道真色送歸棹明月非所求

羅覲恩字汝勤石屏人貢生嘉慶丙辰舉孝廉方正有

卧游草廬禪集

晦夜荷塘小泛宿楊氏水莊

宿鳥定煙林幽人還獨往雲昏潭影見潮靜秋空響芳酒
引荷筍高歌擊蘭槳不知涼露重第愛香飈爽漁莊認火
歸苔磴緣雲上萬象方沈冥孤懷倍虛朗神清無凡夢地
寂多遠想何處識元音風林人心賞

坡頭甸暮行

絕嶺高無極，林昏尙獨攀。
亂雲孤客路，落日故州山。
古道誰廬旅，荒亭少抱關。
蠻音殊不辨，遠火翠微間。

春初懷友人北上

祖道還如昨，芳年已暗過。
離羣春夢少，卧病雨聲多。
暝雪黔山路，條風漢水波。
相思逐歸雁，先爾渡黃河。

余慶遠字璟度安陸人諸生嘉慶丙辰舉孝廉方正

箐口

我行久入雲，豈必愛澤藪。
高風吹我衣，乘雲入箐口。
乍臨深無底，黝竈漏清湫。
徬徨不可陷，箕踞一搔首。
日升射氤氳，循環譬如甑。
箐外勢建瓴，箐口留開牖。
木棧俯鵲巢，高風等培塿。
循壁下繩梯，狼狽攜僕手。
側身辭岵陬，盤辟轉

層岫人擬投渚鶴馬同竄穴颺得勢忽輕逸如墜拂垂柳
飄搖到山陴奇情得未有惆悵亦何爲此游將不朽

王志裕字千波華州人嘉慶丙辰舉孝廉方正有璵璠

山房詩藁

詩話千波性愛山水嘗游湖湘沔河汾登華嶽所交
皆當世知名士磊落抑塞之氣輒發於詩袁隨園題
其輞川問津圖云右丞不帶輞川去留與人間隱者
住寥落千秋住者誰勝境無人空草樹千波居士詩
中雄往往落筆傳家風偶然步至雲起處精神若與
先賢通購之不能尙有待棄之未免心所愛乃倩丹
青貌取之山川頃刻堪移帶廣徵詩人加珠玉閒居
無事畫可讀匪徒閒卷當移家兼且聆音還識曲他
年官罷此中來月榭風廊次第開儼
招清妙天機客我是當年裴秀才

送楊春州之皖

煙水一孤舟知君作皖游客心溪碓轉世路布帆浮弱弟
撐家累衰親撫穉憂區區衣食事奔走入羈愁

癸酉九日清涼寺登高

霽日登高按一觴安排眼界入清涼
雨深石井泉心綠秋到僧樓樹頂黃
簪菊每教懷杜牧題餽端底讓劉郎

謂劉星堂

贈滿筵絲竹歌明月留與山中說酒狂

晚晴移詩匯卷一百十五終

晚晴移詩匯卷一百十六目錄

杜堦九首

朱方增二首

方振二首

袁名曜一首

劉彬華二首

王以鎔一首

張井三首

鄧廷楨十六首

潘恭辰四首

葉紹本六首

孔昭虔二首

馬宗璉十二首

蕭元吉二首

王澤一首

周際華四首

潘業一首

張瓊英七首

汪仲洋八首

夏翼朝八首

蕭煒二首

焦循九首

張興鏞二首

吳文炳

一首

曾瑤

一首

周爾墉

六首

程懷璟

二首

張允垂

二首

陳鴻壽

六首

洪頤煊

一首

李富孫

三首

李士楨

五首

周銑勳

二首

陳舜咨

一首

沈承瑞

十首

晚晴移詩匯卷一百十六

徐世昌

杜塲字石樵濱州人嘉慶辛酉進士改庶吉士授編修

官至禮部侍郎加尙書銜謚文端有遂初草廬詩集

詩話文端耆年碩德慕陵瞻念文正舊學推恩優渥近代所罕集中以視學畿輔兩浙時行役詠古之作爲多神韻不墮猶守新城遺軌

問渡

問渡燕郊去風聲沙岸頭浮雲連紫塞旭日亂春流土齧

將穿石橋編不繫舟守臣懷利濟何以贊良謀

望夷齊廟

雨水一灤水一青龍河也

連山西北驚雨水東南流俯仰極千里今古同一邱悲歌

及黃農抗節懷商周斯人顧遐逝大道日沈浮叢祠儼冠

帶萬禩輕王侯豈無蘭鞠薦尙恐薇蕨羞念茲三歎息天地良悠悠

留題孤竹山堂

統如樓鼓對斜暉行笥重翻換衿衣山色繞垣隨馬去鳥聲隔戶送人歸曹騰暗覺春風老慷慨空驚壯志違明日儻尋遼海夢綠楊城郭又依稀

雞鳴山短歌

飲馬下白登揮轡出開平每有早行人至此聞雞鳴岩岩飛狐嶺黯黯沙城戍亦有投止客夜聽雞鳴去雞鳴星始稀寒霜拂人衣關河不可極游子常懷悲雞鳴天下曉西風吹白草行路古今難人共沙場老

癸未十月再至石門觀瀑布

長風渺渺送行舟乘興來觀百尺流界破青山終古色做
成紅葉十分秋仙心輒欲騎黃鶴宦海無因狎白鷗卻憶
年時拋盡去幾回選夢到僧樓

歐江曲

江波滾滾去如箭下灘正急上灘慢江樹十月紅如花西
邊翠竹東白沙山腳斷崖山嘴路人家半在山腰住一峯
落葉一峯雲日日開門闔朝暮朝朝暮暮往來舟前日少
年今白頭白頭人去少年在山自青青江自流

入剡

秋霜下南國紅盡江邊樹終日不逢人十月剡中去
東船與西舫檣聲如秋鴻對面不得語迴帆各趁風

江心寺

寂寞江心寺英靈尙在無興亡千載事忠義幾人俱突兀
田橫島飄零趙氏孤吳山重回首遺恨失雄圖

朱方增號虹舫海鹽人嘉慶辛酉進士改庶吉士授編

修厯官內閣學士有求聞過齋詩集

詩話故事殿廷考試收卷先以進呈每經乙夜披覽
虹舫道光四年大考慕陵賞其詩丹規其旁者四
聯遂列第一特邀超擢虹舫有詩紀事謂自翰詹徑
除閣學陸雅坪錢東麓寶東皋三君後至是而四云

相見坡

四夫前導牽以縵舁者四耦偕之登二十四足相凌兢如
螺旋然如猱升又如脫鞢揚秋鷹忽然置身碧雲裏凹凸
一峰對面起中阻深谿不見底當其盤折山之趾兩坡相
距幾百里至此祇隔尺有咫可惜盈盈阻一水彼峰行人
以手招此閒興者聲嘈嘈相望不愁延頸勞罡風簸蕩車

搖搖青天甚近風逾驕吹墮彼山良足豪自是造物巧布
置忽遠忽近眩人意故鄉回首青山多相見相見柰爾何
昨宿鎮遠館舍風景殊佳惜未留題作一律補之
頓教一宿戀空桑旅夢猶牽灘水陽遠穀碧生谿口渡斜
暉紅上寺門牆憑誰罨畫攜行篋無此湖山惜故鄉祇悵
煙雲容易過雪鴻蹤迹太匆忙

方振字容齋南昌人嘉慶辛酉進士改庶吉士授編修
歷官侍讀學士有少悟齋詩集

安仁縣

葺爾城三里悠然水一灣波添貴溪雨雲起建昌山儉俗
雞豚少耘時市井閒數聲煙外聽漁唱夕陽還

園中課小童芟草移石

早知窮有命底事逐征塵此日濠梁意幾年湖海身草除
遮路棘石露隔簾皺擬待重陽問黃花莫笑人

袁名曜字道南一字峴岡甯鄉人嘉慶辛酉進士改庶
吉士授編修歷官侍讀有吾廬草

德州夜雨

夜闌燒燭短霧淞暗河天帶雨數聲雁鳴箏何處船歲時
驚久客哀樂感中年賸欲聞雞舞瀟瀟澈枕邊

劉彬華字藻林號樸石番禺人嘉慶辛酉進士改庶吉
士授編修有玉壺山房詩鈔

詩話樸石以乾隆丙午舉於鄉年十六同榜謝啟祐
年九十四時以爲美談及入詞館卽假歸家居二十
餘年體羸多病常以吟詠自娛

過飛來峽

二禺七十有二峯峯峯亂削青芙蓉飛崖壁立互撐拄屹
若雙闕排珠宮滇江北來勢一束水隨山罅彎環通偉哉
造物信瑰異日南妙境開鴻濛我從珠海浮征蓬入峽喜
見波沖瀾天光雲影盪朝旭一條廿載塵盪胸須臾森悚
豎毛髮眾山竄窳號谷風深林障日蹲虎豹怒湍激石掀
魚龍江神怪我行怱怱指點蘭若尋仙蹤當年飛來豈偶
爾定有風雨雲雷從如何神工失守護頓令一角遺雲封
由來海嶠事多幻浮山逃石毋乃同香臺飄緲煙巒中聯
娟修黛環簾櫳軒轅帝子渺然去不聞阮竹空聞鐘幽棲
吾欲架深广卻愧蹤跡猶萍蓬詩成一笑且攜棹名山挂
席焉能窮

晚坐、

檻外花無語雲邊鳥自歸月痕依樹淡山影到窗微酒得醒時趣詩尋靜者機高軒漫過訪容易扣柴扉

王以銘字古彝歸安人嘉慶辛酉進士改庶吉士

詩話古彝乙卯冠南宮遭指摘後六年始補廷試得館選乃未及散館遂卒勿庵致卿貳而古彝偃蹇以終有幸有不幸豈非命歟

登第一山

層山窈窕削芙蓉靈秀真於此地鍾急雨聲飛晴澗水洪濤響落碧巖松鹿穿紅葉林間去人在斜陽洞口逢竟日逍遙渾不倦茅菴忽打暮天鐘

張井字芥航膚施人嘉慶辛酉進士官至河東河道總督有二竹齋詩集

送銅鼓藏焦山紀事

我有漢代之銅鼓萬廉山來自南昌司馬家承紀蠻風瘴雨幾

何載鞞骨完好無缺瑕闊徑三尺高殺一三疊微學蠡腰

窪鼓心隆起儼碁局周遭怒踞六蝦蟆腰垂四耳便索貫

其中空洞下口參黝然古澤光可鑑通體細纈牛毛花恨

乏款識紀年月定伏波耶據鄭滿若考當是伏波鼓諸葛耶二竹齋中

充清供偶逢過客出矜誇常恐神物工變化不甘閉置羈

籠笈忽憶焦山擅名勝中藏古物頗紛拏周漢二鼎最奇

絕得此踵事或增華梅溪老人笑絕倒云此位置真不差

豈知此語有漏洩山靈日夕思拜嘉坐使詩僧屢問訛僧借

莽寓書梅溪詢前言欲食愁掄擲一朝決計送汝去不須

墮淚隨風斜東過廣陵下揚子扁舟兩檣聲伊啞千年老

銅足精氣蛟龍未敢輕要遮天吳潛逃鼉鼉徒鮫人泣竄

奔虎鯨布帆安穩到初地山中童叟拍手譁諸天龍象大
歡喜紫衣前導隨袈裟三熏三沐好皮閣幸少泥薺勞剔
爬鐘魚齋鼓共晨夕障幕那無金條紗時有寒芒逼牛斗
莫放光怪驚麝麝當時鍊銅采赤堇陰陽供炭龍火加雷
雨晦冥降神異亦如歐冶成鏐鄒鑄成此鼓寄威信要息
民夷爭犬牙大勝草龍要誓約底須歆血刑豚豶賽神合
樂醉且舞峒丁谿女紛擊撾方今聖治曠無外梯航冠帶
通幽遐坤維炎徼在庭戶蘆笙歡沸喧銅琶此鼓投閒供
玩賞何如祓濯歸耆闍八德水與洗兵氣馘除凡濁祛塵
沙摩挲免歎在荊棘聽法或證波羅伽吐吞潮汐浥神霧
沐浴日月涵雲霞佛天不老山不滅銅鼓之壽其無涯

蟠龍丈人歌和雲汀制府

海州雲臺山古松也宋徐積有東海大松歌制府名

之蟠龍丈人爲
立石作歌求和

我聞拒格之松日月所出入直與元氣通呼吸亙古獨立
大荒中世人何曾見鍼粒又聞負鄰巖前松龍鱗半空夭
矯如有神雲幢星蓋儼侍從仙靈荒忽難具陳何如東海
大松近郊甸去州治四十里撐空卧波人共見劫灰兵燹幾推排
此松龍顏終不變我未見此松誦詩復披圖師禹門同年有此松圖
倏覺寒風謾謾生座隅奇姿譎態不可以思議縱有妙手
難描摹松身拳曲才五尺平分兩榦各奇絕一榦橫走學
長虹勢欲東窺尾閭泄舒肱探爪似與驪龍爭瘦骨枯纏
萬年鐵忽然誇多鬬靡怒發千萬枝盤鬱玲瓏互糾結其
一下趨欵上擬亦分兩株逞恢詭斗屈右臂如彎弓如柳
三眠更三起又如常山之蛇擊其中首尾回環相角倚一

松幻就百龍身游戲神通乃至此吁嗟乎此松之奇天下
無大如山河分兩戒細者鬚鬣瓊珠蜿蜒詰曲無相不
具足怖伏鯨虬奔天吳贈之蟠龍名奉以丈人號風過掀
髯應一笑借問丈人年依稀記在商周前應是當年大禹
治水驅龍走一龍偃蹇不肯受作使風雨直到海東頭蛻
形化作支離叟字內豔說黃山松最奇一株稱卧龍田盤
山中多偃蓋每邀龍輦誇遭逢此皆蒼古世無比莫與丈
人論甲子洞庭龍威尙恐難肩隨穆澄秦封雲祕耳噫吁
嘻古稱壽考多不材似爾變化何雄哉蒼生霖雨有人在
偶貪高卧非衰隕君不見海濱昨夜風雷厲丈人又作擎
雲勢

黃石齋先生手書周忠介公神道碑墨跡卷

後死文章貴先生志節同千言寫孤憤一卷得雙忠事去
天如夢悲來筆有風想當揮灑處嚼齒恨無窮

鄧廷楨字嶢筠江甯人嘉慶辛酉進士歷官閩浙總督

罷起授甘肅布政使陝西巡撫有雙硯齋詩集

詩話解筠自詞曹出守聲績甚著超授陝西廉使坐
典郡時讞獄未嘗罷官再起洊陟封圻撫安徽最久
嘗以韻語論治術命曰入箴因以名其堂詩仕丹於
庭花時燕集歲必有詩遷督兩廣正值禁煙之役與
林文忠共事尋移節閩浙賦酷相思詞寄文忠曰百
五芳期過也未但節吹催千騎看珠澥盈盈分兩地
君住也緣何意儂去也緣何意召緩徵和醫並至眼
下病肩頭事怕愁重和春檐不起儂去也心應碎君
住也心應碎其時兵事方棘朝旨漸移故其言淒絕
及同戍伊犁日以詩詞相酬答冰霜辛苦之音樓宇
高寒之旨纏綿悱惻變雅之遺召還撫陝文忠亦復
起集用編年體以迎文忠東歸詩終卷蓋不久卽下
世矣其詩於藻麗豐縟之中存簡質清剛
之制論其品第亦與雲左樓相伯仲也

召伯湖

召伯湖千頃鳴榔處處聞沙痕隨岸盡帆影隔隄分霧重
溼如雨鴉多飛作雲聯吟興不減把酒話斜曛

嘉嶺山尋范文正公讀書處

乙亥二月月幾望捧檄延州度千嶂馬頭忽現嘉嶺山大
字摹崖屹相向怪螭蟠屈瘦蛟舞乃是龍圖老子之筆仗
聞道當年帥此邦屢躋巉巖寄幽曠手持盞簡揖山靈一
種清虛悅來貺我覽公書心已欽我思公蹟神逾王初爲
運轉副夏竦繼以曹耶扼邊障罷權招流亡營田省輸饒
堅壁老敵師焚書斥賊妄一十二砦脣齒聯萬八千軍虎
貔壯威名不屑淮陰韓盛德應同丞相亮坐使西人破膽
驚卻馬回戈不敢抗豈知公餘示整暇歡歌更踞茲山上
方悟胸中數萬兵都由五千拄腹撐腸相醞釀我來登山

尋舊蹟豈有遺民足諮訪山前聞清鐘山後發樵唱摘星
無復羸危樓古井空餘白雲濛嗟哉九京安可作仰止高
山意怊悵他年青鞵布韉游圭峯定從霧閣雲窗觀真相
圭峯公少時
讀書處也

玉泉院

繚垣低連蜷曲廊深窈窕樓頰平川遠山壓孤亭小微風
生古木薄靄暗疏篠來游及青春光景媚清曉嵐氣不可
逼仙掌視縹緲安能躡蓮峯長嘯出塵表

玉泉聲潺潺直向螭口瀉雹霰落空際琴筑響階下文螭
碧苔淺小笈斷虹跨灑澗鑑毛髮蜿蜒過廊榭巖杏含新
苞照影弄嬌姹我思酌匏尊更向道人借

希夷闢洞天雲護石龕邃青牛入關後復此仙跡異墮驢

有眞識化蝶示幽寄巾拂無纖塵鬚眉映空翠我欲從之
游窺破元關祕先生爲余言能覺乃許睡

登鎮北臺

在紅石峽東明延綏巡撫涂宗濬建

三邊烽火無驚日我輩從容上此臺震耳河聲穿峽走盪
胸雲氣壓城來平蕪壁壘軍容在小隊弓刀獵陣開盛世
未應忘設險登壇飛將要儲才

過定州

縹馬中山尙戴星侵尋曉色散林垌平沙直走滹沱白遠
岫遙連上谷青盆石祇今留雪浪氈椎何處覓蘭亭煎茶
孤負花瓷好爲報郵籤不肯停

渭南遇雨

白楊風裏雨瀟瀟古驛泥深路轉遙卻憶到家時節好隔

江紅樹過江潮

劉黃頭行

元氏鄙人劉黃頭厠地得石一方弗之異也視之有字乃乞識字者審視之則石爲

唐故宣州尉某公之配賈夫人墓誌銘誤書者爲夫人猶子文則銘後別綴一行云後一千三百年爲劉黃頭所發黃頭聞其有己名也乃大駭異縣之人亦相與詫歎之事聞於太守陶公覺香下縣令拓一紙考其所推年數蓋誌作於唐建中二年逮今實一千百三年而誌云一千三百年爲小誤然劉黃頭之名適合固亦奇矣太守搨以見贈爲作此詩

堂封馬鬣何年毀平楚蒼涼暮煙起野人厠地聞登登片石規方土花紫誰與厠者劉黃頭一丁不識鋤不休村學蒙師辨點畫拂拭諦眎文鉤輒最後分明字十二千三年乃出地大書深刻黃頭名拍手譁然稱怪事太守嗜古兼嗜奇聞之亟令施氈椎文體猶餘六朝習書法秀整眞唐碑長沙後人有淑媛冰雪空閨淚如霰半世枯骸託外

家一坏淺士辭鄉縣作誌先計發冢年數雖小誤名則傳
何物黃頭細民耳應識乃在千秋前我云此事安足怪傳
會神奇毋乃太才人作意誇精能造物無端弄狡獪冰泮
滹沱石墨新人閒知有賈夫人他年集古重編錄更與黃
頭記夙因

九日集抱甕園賦詩甚歡翼日乃大風雨用惜抱軒
集中獵日次重九詩韻柬異之

侏儒飽死笑臣朔豈識天機謝彫斲吾儕相求重聲氣不
與囂囂競風颭各從領下抱驪珠那肯懷中藏鼠璞舒州
山水本奇絕我與君來錫雙卓昨逢重九秋氣清共款園
扉無剝啄登高姑一陟附婁矯首龍山青黛撲風吹阜帽
歌烏烏我亦相從如獵較文昌

張虎兒

昭諫

羅抑山

躡跡至簞

得朋簪手重握陸璣草木劇紛綸郭璞蟲魚更班駁須與
客去余就睡江上西風動清角明晨急雨寒瀟瀟雲氣蒼
黃溼寥邈側聞先生夜無寐吟聲非夢亦非覺陰晴未許
周髀算悲愉有似迷藏捉曠觀區宇解先憂頻睇縹緗嗤
獨學作詩摩壘再致師酬答勿辭朋友數

贈林心北

少穆尙書
少子也

冰天隨侍鞚驕驄帕首鞞刀尙卅童犀角定應他日貴豹
斑誰復此郎同政如渡海攜蘇過時以通家候孔融不礙
士龍多笑疾老夫甘作晉司空

癸卯閏秋被命東歸少穆尙書以詩贈行次韻卻寄
秋淨天山正合圍忽傳寬大許東歸餘生幸保精魂在往
日沈思事業非遇雨羣疑知並釋搏風獨翼讓先飛河梁

自古傷心地無那分攜淚滿衣

事如春夢本無痕絕塞生還獨戴恩未必茝蘭香共驪要
留薑桂性常存百年多難思招隱半壁殷憂敢放言此去
刀鐔聽續唱遲公歸騎向青門

甘州

自別酒泉問張掖直迎弱水下刪丹九州地到流沙盡兩
戒山連大漠寒度土司空懷德遠登壇飛將歎才難開元
舊曲聲悲壯擬倩曹綱妙手彈

唐開寶間曲有
甘州涼州諸調

少穆被命還朝以詩二章迎之

高皇拓地越烏秣聖主籌邊軼漢家擬向輪臺置田卒特
教博望泛秋楂八城戶版輸泉賦千騎旃裘擁節華載筆
他年增掌故羈臣乘傳盡流沙

少穆自伊犁戍所奉命履
勘回疆新墾地畝馳驅越

歲徧歷入城得旨以四
五品京堂同京候補

夔竑心事最憐君燕羽差池惜暫分宣室忽聞新渙汗霸
陵真起故將軍春風遠度天山雪卿月重依帝闕雲往歲
詩篇盟息壤道周相候慰離羣去春有奉懷詩云造物似
有意真我於道周旦晚迎
公歸慰我
輒飢朝

潘恭辰字撫凝錢塘人嘉慶辛酉進士改庶吉士授編
修歷官雲南布政使有紅茶吟橐

西湖春詞

絲絲社雨溼湖涯簇蝶羅裙小隊偕一徑蘼蕪春不埽風
前齊試踏青鞋

酒家半住綠楊津日日湖頭采紫蕪畫出醉鄉煙景好柳
花風滿一帘春

琴陽舊廬餞別頻伽兼山各贈一詩

楓落吳江可奈何
布帆此去又煙波
新翻豔曲和凝老
舊領狂名杜牧多
一劍恥爲州將客
三杯應入飲仙歌
靈峯瀑雨韜光竹
好待春風約再過

不須涕淚灑江皋
二十吳郎氣自豪
萬里久隨山簡馬
一官賸有呂虔刀
當筵且共傾三雅
對客猶能誦六朝
好去臨歧莫惆悵
虞山落葉晚蕭蕭

葉紹本字仁甫號筠潭歸安人嘉慶辛酉進士改庶吉士授編修歷官山西布政使降鴻臚寺卿有白鶴山房詩鈔

詩話仁甫嘗從錢竹汀游爲詩恪守師訓不事險怪綺靡以雄深雅健爲宗故能力追大家氣象宏博其論詩絕句云何李詩篇晒未休紛紛撼樹蟬蚍蜉蓬頭攀耳登徒婦翻如東家眉黛修白雪樓高氣自清

弇州健筆亦縱橫憑君莫信虞山語浪子前朝本籍
名鮑覺生謂其崇李何之正軌黜虞山之邪說誠爲
知言

吳江城外

艇子嘔啞日未午楓林葉落碧煙平溼雲過樹不成雨溪
水放田時有聲疎竹陰邊開野寺寒蘆盡處見江城鴟夷
舊跡今何在湖上青螺幾點橫

楓橋東朱蔬坪太史

鈐

吳江霜冷泛疎篷爲訪苕西玉局翁隱几公方注秋水開
軒人似坐春風寒山鐘斷楓千樹老圃香濃菊一叢回首
舊游清興在畫船鐙火月明中

淞江道中

江晚歸舟疾風帆半整斜鴨頭浮碧漲魚尾落紅霞棹轉

山移影潮來岸沒沙蒨鱸猶此地懷古一咨嗟

題朱笥河先生游玉華洞詩卷

此卷笥河先生門下士姜照鄰茂才所藏

詩筆奇古可以不朽余於笥河先生爲年家子幸得附館後進又以視學來斯士皆先生春風化雨之區流風遺韻闕士猶豔稱之閱是卷爲之神往不置爰題五言於後而歸之

鐔劍多名山窅窅富巖洞真靈所窟宅倏詭等鑿空金羊立而娛石蜃蟠且玃華變現佛國銀島關仙棟中天月常皎太古雪不凍其他狡獪狀如入大羅夢一一象逼真目眴神欲瞢將溪峯萬疊游者每停鞚天恐東南平搏攫爲此弄祕鑰何年開與騎笑一闕朱公香案吏才思吐白鳳輶乘偶經行雲龕探鴻峒芒屨忘冠蓋弗憚踏煙霧遂令華陽天奇景筆端貢文參絳池奧語壓韓陵重瀾翻二千字字字爛錦幪真書更奇絕詰屈句難誦商尊鑄辛癸獵

碣發秦雍三者皆不刊精鏐巧磨礪洪維作人世藜閣儲
才眾一代數儒林大興兩伯仲當時名譽盛傾倒及僣從
持衡迭交替海內推二宋椒花古吟舫巾屨互錯綜戴斗
望奎躔頌說文陣統相公業更隆霖雨國鈞用翹材啟黃
閣鶴髮傳邁種賢哉競爽哲盛節驚愚忝誰識廿年來道
山盡雲封安期舄不歸峴首碑堪慟此卷幾流傳金題委
荒陬蝸涎與蝨蝕奇句孰吟諷姜君泉山彥瑚璉衛子贛
當年坐春風樹楷有餘痛辛勤搜故紙歡若獲寶瓊完璧
付裝池天衣補無縫此意真古人青藍見誠衷我忝通門
誼冰署後塵頌奉命使炎陬復此糜清俸堂欽韡雅題石
志筭僊供所慚凡鳥姿雲表那騰鬣靈威披古簡快餉益
智糴再拜薦寒泉仙雲照瑤璚

大玲瓏山館消寒第三集梧門學士出示所藏順治

壬辰乙未戊戌三科進士履歷輒作長歌題其後

梧門先生雅嗜古奇書蠹簡無不搜衝寒車騎忽過我示
我陳帙光盈眸名經千佛羅祕冊三科藥榜羣材收順治
壬辰越戊戌里居甲第詳部州英雄入彀千二百一一標
注某水邱出何經房系何氏細字件繫如蠅頭護兒之兒
蘇瓊子亦有家學承箕裘簡長盈尺博四寸麻沙版樣黎
聚鍤高昇書肆志新刻紅箋色黯猶風流憶昔先皇初洪
業威懾薄海來共球武功旣燁文治盛鶴書鳳詔馳遐陬
登揚往往得奇傑外爲方召中伊周卽如此編志姓氏范
忠貞湯文偉望誰與侔其他公輔盡碩器黃岡宗伯孝感相
熊推殊尤漁洋老人況詞伯後先西樵鄂龍華抽乙未

補殿試漁洋乙未
中式戊戌殿試流傳有數信非偶明德要使輝千秋紫
陽信國兩名錄後人珍惜同琳瑯古今賢哲總一轍那能
軒輊均鈞鉤年年雁塔數百輩孰似此帙名炳彪願公珍
重緘藤笈虹氣夜夜徹斗牛

涵秋閣晚眺

幽居乍卜六街南雲影蕭疎日影含濃綠四圍天一角危
青半挹嶺千簪輭塵到此都如洗野色閒來最足耽卻愧
山人拋世網谿藤貪寫富春嵐

孔昭虔字元敬號荃溪曲阜人嘉慶辛酉進士改庶吉
士授編修歷官貴州布政使有鏡虹吟室遺集

詩話荃溪詩風骨高騫解藻豐得卿隣者常熟濮氏
女初爲王渭璜妻妾渭璜敗朝貴以贈鈕祜祿致
齋和珅致齋復敗乃流落民間荃溪爲作卿隣曲同
時陳雲伯文述亦賦斯篇皆徵梅村體異曲同工

江南道中

雁聲吹過古徐州又向江湖歎敝裘
兩岸菰蒲蕭寺晚一鞭風雨亂山秋
天涯作客悲王粲逆旅何人識馬周
惆悵年華同逝水夕陽無語自西流

車中偶成

城角寒煙冷暮鴉亂山霜葉鎖殘霞
夕陽影裏人家晚秋在一村荻麥花

馬宗璉字器之又字魯陳桐城人嘉慶辛酉進士有校經堂詩鈔

詩話器之精覃經訓阮文達視學兩浙辟爲襄校經籍纂詁凡例卽出其手後舉秋帆修史籍考亦延爲分纂所著左傳補注王伯申稱其書與顧亭林惠定宇說相表裏可稱鼎足

登景州塔

浮圖層級鬱崔嵬隋代開皇計丈栽佞佛六朝餘舍利登
高四面接雲霓水從白馬河中出山自盧龍塞外來滄景
風煙連北地幾經節鎮失雄才

雷州陸公泉

蠻煙瘴雨倍思家汲水閒烹顧渚茶似到秋深無客至海
桐花放日西斜

送孫覺才歸無錫

十年京洛無知己花市槐街喜接蹤江左聲華推謝鳳汝
南月旦重荀龍梁溪夜鼓煙間櫂蕭寺春寒日暮鐘莫爲
田園羈駿足待君同看掖門松

八月四日與左良宇叔固方展卿由勝溪入宋家嶺
暢覽龍眠山色月出始歸

故鄉山水區循途洽幽尙古木極陰森層巒分疊嶂履石
渡潺湲荇藻微紋濛峭壁傍迴溪爭奇不相讓過嶺見平
曠樵風忽輕颺陰陽蓄異形耳目益昭曠若匪入山深孰
辨峯殊狀唐宋善遊人題名互相望倏忽千百年見者倍
惆悵盛會難再逢高詠庶相抗

自朱莊往皖城效放翁體贈愚谷

久羨山村樂事賒柴門幾日駐征車興酣自飲雞鳴酒午
倦頻烹雀舌茶兩岸夕陽飛宿鷺隔林紅葉噪歸鴉詩情
不爲游蹤減擬向江頭看晚霞

齋中偶作

洙泗傳六經精義備搜討如懸日月光斯文常皓皓藏書
魯壁中簡策幸完好西京家法嚴師承原大道劉歆七略

存窮源供參考鄭氏守遺書東都仗一老障澤同狂瀾疏
川跨行潦六代南北分無敢妄摘藻柰何異說興新學逞
臆造古義日以湮先澤日以槁盛代首崇儒琳瑯分派蚤
漢世重石渠隋書耀鴻寶宏博遍儒林述造付黎棗深邃
邁宋唐再見中天杲

懷王伯申

太乙頻看降紫庭劉歆再世闡全經淮南久建藏書室薊
北還依問字庭一徑草深煙漠漠六街花落雨冥冥何時
共翦西窗燭金石遺文證鼎銘

題侯貞友畫蘭

采蘭搴杜若仿佛到瀟湘之子江南住空山正夕陽余情
甚芬美片石亦蒼涼建業秋蕭瑟誰堪共舉觴

登迎江塔懷胡雒君浙西

涼秋景物最淒清
曠覽平原爽氣生
塔院半天飄梵語
僧廊終夜走江聲
聖因月自三潭出
靈隱鐘隨一雁鳴
此際臨風倍惆悵
愁心飛渡越王城

大鴻嶺

縱目巍峩得勝場
晴霞眾壑倏陰陽
地連宣歙標孤柱
江注錢塘此濫觴
朝日鯨波開蜃市
晚煙人語出羊腸
村巖虎警勤宵柝
旅舍挑鐙夜倍長

黟縣道中

谷口暝煙生疑近
幽人宅小草媚秋光
寒潭蔭深碧村舍
倏周遭巖居互開闢
仄逕忽旁通不患前
溪隔滄樸愛山農
憫予滯行役

虎阜寺

來訪齊梁古道場寺門新放木樨香方池月照珠生水古
墓風寒劍拂霜花石高低圍法界鐘魚寥亮出齋堂烹茶
可繼中冷美天下名泉我徧嘗

蕭元吉字象占號謙谷高安人嘉慶辛酉舉人官河南
知府有綠杉野屋詩集

詩話謙谷出宰中州自唐縣移祥符所至有循聲牧
許州二十年尤有惠政喪還過許許民聚哭數十里
不絕其入人之深如此詩篤雅工琢句如楊柳幾番
經雨雪松杉猶自足樵蘇宛南名士吟梁父洛下桴
英愧潞公豈料李侯難蜀道莫尋何武痛梁州但
將天地扁舟入況有煙霞尺宅存皆七言佳句也
澠池曉發

趙瑟秦聲一夢中會盟臺畔五更風雲銜曉日如新月潤
滿朝霞飲斷虹營窟門猶分上下迴坡路不辨西東青嵩

碧洛遙相接回首峻陵夕照紅

許州廳事之西小孟刺史闢圃築山蒔花養魚於其

中長句奉題

泠然始信御風行又見雲間雁影橫泗水波中千佛塔萬
花堆裏一書生英飛小院春常滿鱗養方塘月不驚迴首
舊游真是夢花潭千尺讓深情

王澤字子卿蕪湖人嘉慶辛酉進士歷官徐州知府署

贛南道有觀齋集

詩話子卿致仕歸於陶塘尋張子湖舊居及吳淞亭
故址葺希古園與江鄉耆舊闢韻飛鴈時黃勤敏亦
以老告歸大江南北稱為蕪湖二老世豔稱之郭頴
仙贈子卿詩云近日詩人如束筍一夕風霜等朝菌
看可風格晚更高
肯逐春華與同盡

自太湖至省宿茶鋪嶺

缺月耿初夕荒寒野店開松聲一枕落茅屋萬山堆愁豈
埽能去春還遲不來思親今夜夢已近半程回

周際華字石藩貴陽人嘉慶辛酉進士授中書改教授

歷官江都知縣有嘉蔭堂詩鈔

詩話石藩辛輝縣最久教士恤民興利除弊既去民
思久而不忘余寄寓於輝每聞士夫話石藩遺愛津
津不去口其子年少而才
工楷法余少時亦嘗見之

送族弟聽松肅赴南河工次

相馬不嫌瘦相士不嫌狂深知此意惟孫陽得邀一顧終
騰驤天生我才必有耦牝牡驪黃恣眾口兩人白眼一時
青爲惜別離重執手廣陵風雨海門波問君何事趨南河
南河通天入雲漢年年槎客此經過君駒千里我如何

孫徵君祠

巋然喬嶽像耆宿更誰尊道脈薪傳火叢祠竹滿門著書
今尙在種柳已無存寂寞南村路雲初幾代孫

樂昌縣

石橋低跨小山了薜荔飄香冒白花高出一帘雲水外柳
陰茅舍夕陽斜

揚州

香風冉冉透禪關水榭雲亭紫翠環我欲傳花攜酒去最
留人是小金山

潘業字惕若號敬亭魯山人嘉慶辛酉進士官長汀知
縣有聽雪山房詩集

行縣夜宿胡民部鶴汀山莊和壁間韻

半通墨綬一官微滋味仍然是布衣無可柰何甘蠖伏不

如歸去羨鴻飛山衙看竹隨流水別墅停驂送夕霏縱令
塵襟能暫滌夢魂猶自戀彤扉

張瓊英字鶴舫永豐人嘉慶辛酉進士官饒州教授有
采馨堂詩集

讀黃文節公詩集書後

天籟蕩空虛風騷豁門戶韓蘇譬齊秦李杜角晉楚代興
得涪翁三駕復牛耳蹠河巨靈掌耆月老人斧海浴鵬噉
褰峽劈蠶叢阻珠絲九曲引石髓五色補空山瘦霜骨僵
竹卧龍虎時湧梵王音清泉雜風雨直證南宗果詎獨西
江祖七葉本一花草堂實宗主性情植之根蒼雅藻其宇
眞宰苟不存敝帚成枯腐當時辦香罽羊曇秀駒父舍人
實區區祧蘇以配杜一鶚豈不貴頗厭喧百羽吾道紛騎

牆知非公所許廬阜與峨岷嶙峋相仰俯或乃譏旁仄索
瘢到媼誇窮子詫珠金藍縷妒纂組誰知良工心慘澹閱
千古惜哉六百年傳衣竟誰與漫漶邠陽本寥落青神譜
新編北平校面目復真睹來者諒不誣蒙姿實愧魯天涯
抱殘篋鄉先見風矩安得雙井泉爲我浣肺腑

潯陽舟次望廬山白雪

掛帆入海口湖波生綺紋風日澄秋楚天霽遙見廬山之
白雲羣山合沓迷前後雲氣滃濛挾之走一峰忽捲雲向
空秀色蒼蒼接南斗溼翠洗我眼睛光瑩我心以手攬之
不盈襟有時絕嶺照古雪凍碧積素疑崑岑被風吹落飛
瀑處又如銀河濯練皎皎垂千尋山外縹緲猶若此山中
奇絕可知矣借問誰續虎溪游後有髯蘇前者李五老仙

人衣紫霞香鑪合侍玉皇家中有瑤草間丹砂安得風馬
隨寬車朝游滄洲暮蓬萊飄飄太虛戲九垓卻騎白鹿歸
山來笑揖匡君亦快哉

訪歐陽厚菴

堊

張銘之

光勛

徐南溟

泮

戲爲口占

空齋局促如蝟縮羨汝同心不幽獨長筵離坐已成參得
我定須周四角入門倒裳無所迎亦無呶唔誦經聲一人
鈔書手不綴墨花恣染鵝毛雪一人偃蹇竹方牀鑪香幽
幽龜息長一人若睡若不睡枕落蠹書驚客至我觀諸子
態各殊於中何者可置吾偉哉萬物適其適逕取東窗白
玉壺

宿山寺

梵宮人定後殘夜寂無譁鈴語檐風細簾鉤山月斜繡經

心自息吟句手還又明發辭桑下茫茫三宿賒

同樂蓮裳夜話

涼宵蟲響急離緒酒腸牽話兩人如夢開簾月在天鶴擎
秋影瘦花溼露香偏又下淮南葉秋風正悄然

小室

氤氲手炷古鑪煙行藥攤書自在便閒裏睡鄉無一事覺
來人境似千年花林影地風搖動沼水涵空月定圓馳訪
海山終未易寥寥小室有諸天

客館

官館因閒得醉頻山風消暑覺詩新眼前事過皆爲化胸
次秋清豈異春便與蒼松爲野友應勝阜蓋作官人白頭
一榻剛疑夢花氣醒禪月滿身

汪仲洋字少海成都人嘉慶辛酉舉人官錢塘知縣有

心知堂詩藁

姚春木曰蜀多詩人張翰林問陶之詩奇險捷出不
主故常其極注於能道人意中事而止汪子沈繩奧
鑿句錢字鍛又善用事相佐證翰林詩以天勝汪子
兼盡學力王柳村曰少海句奇語重大氣包舉惟
杜韓腕下有之巫峽
我媚之秀鍾於此矣
詩話蜀中作者多尙才氣亦其山川足以發之少海
以紀游懷古爲擅場在當時名與廬山相亞情韻圖
美處稍遜排纂鐫刻更
欲爭勝洵不愧陽新也

武連驛用陸放翁韻

蜀道前期又後期文章得失總難知
三秋客思連雲棧萬里鄉愁兩鬢絲
殘照滿衣歸店早亂山圍夢到家遲
雞聲未唱人爭起
似金門射策時

小劍山

只疑雲欲飛不知山勢峭瀟灑出清挺孤立更娟妙銀漢
淬寒鋒銳利不可鞘劃破漏天漏媧皇補不到絕壑疑元
陰萬古雪如縞自從天地開日月光未照山鬼與木客隱
隱雜哢笑安得壁上行絕頂訪祠廟

山頂有武侯祠宇

五丁峽

我家上清峯來從青天上手捫參井光四顧神何王訇然
開劍門羣山綠如恨十日披煙嵐所至意皆當打頭橫絕
厓忽與行人抗引領千仞高不辨峯背向捲地生潮聲滔
滔水名漾策馬隨飛湍始見峽門壯硃厓裂蒼玉一隙露
開放螺旋而蟻穿怪石相偎傍就下稍寬平江流不肯讓
摩空揚巨刃五丁殊奇舛想當開鑿時風雷爭簸盪美女
顏妖嬈金牛氣悽愴試問商周前飛越更何狀

觀音碕

寶裏嵌天光四圍是積鐵我從壁上行盤空數十折嵯岈
千丈峯突如雲出穴猿猱失攀援鷹隼愁飛越堂堂賈中
丞手持天上節縱火燒砮厓橫腰鑿一缺怪石當人頭補
天懸破裂頰霞飛不去丹嶂捫猶熱飛瀑濺石梁浪花凍
成雪流爲百丈潭無風自澄徹山迴人亦轉劃然風景別
歲晚行路難吁嗟心兀兀

孟津渡河

誰將銀漢瀉崑崙九曲風濤漸不渾龍馬千年開北戒乾
坤一綫劃中原當時白璧沈秋水隔岸青山近孟門便欲
乘槎天上去支機摩訪舊題痕

題惺甫夫子西行草後

西游不肯變商聲日有新詩當紀程貢馬使來光祿塞射
雕人住受降城周家遣戍多風雅漢室屯田用老成聽到
笛中吹折柳黃河源上望燕京

燕然山

燕然山色鬱蒼蒼此地曾爲古戰場班氏才華餘史筆漢
家功業半椒房邊城野草連天白塞上秋雲匝地黃勒石
不知何處去也隨炎運付滄桑

秋夜柬魯輿

木葉脫如雨秋聲何處風遙從天地外吹落寸心中獨夜
無長夢繁星滿太空不知河漢轉引領失西東

夏翼朝字循咳一字穉薌江陰人嘉慶辛酉舉人官淮
安教授有蠨廬詩集

萊臧賦贈泰始輒硯歌奉酬長句

赤雲初卷秋氣涼庭柯櫛櫛簷日黃蕉衫落拓款扉至泖

東野客

萊臧自署

殊軒昂嫌廬慣羈長者轍

深慙長者轍重得故人書余齋楹帖

也嫌廬二字單

說經論史辭鏗鏘商周彝鬲少藏弄石田

數畝資耕穰綺函糝匣久珍閱鼠璞什襲嗤疎狂典午丸

泥重陶埴躡端踰歛誰評量士衡嗜古有卓識摩挲嗟歎

長毋忘審定點畫巖電炯殷勤叩我來何方李侯昔日辭

蓬島一封墨綬淮南道

申耆先生由庶常改官鳳臺縣令

八公山古貯煙

霞廉頗邱荒執秔稻治譜常懷運甓勤清吟時伴陶泓老

單騎班春出郭行間共龕僧事幽討

先於資聖寺壁得元康輒百餘枚嗣得永

書太和泰始等輒十數種物之顯晦信有時也

牆陰隱起闌干紋土繡爛斑字完

好長九寸二博半之晉武泰始十年造旁有旅人陳黑名

或云督將姑弗考憶自陳騫鎮壽春千五百年舊城堡銅
駝宮殿盡荆榛僅餘殘墨球圖寶筆法古樸蒼勁儲東京
碑額輪精藻良工手擘墨池雲衙齋花落仙人埽萬重緹
繒寄雙魚削櫝恩恩不暇草君聞此說心顏開快斟綠蟻
傾金罍追摹斯籀寘懷衷翌日急走長鬚來淋漓大筆媿
韓孟陸離璀璨驚雄才解注學孳溯穀穀雕績狀貌窮胚
胎五鳳五年檢漢紀蘇齋辨證歲月該漢五鳳五年輒覃
改甘露元年之物浙浙之地去陝關遠春初作孫吳寶鼎
甄故仍稱五鳳五年鐸石宗伯釋爲三年非也
雁嶺出竹垞跋語尤奇瑰曝書亭集有吳寶鼎斯甄縝密無辟
暴蜀師天冊元康陪何人搏土受模範瓦礫棄擲煙莓苔
蟲涎粉蛀耀光采那肯埋滅隨劫灰新詩琅琅字三百八
甄吟館同鴻裁芸臺官保有八甄吟館集自笑空拈兔園冊緇塵屢染

長安陌石交喜結文字緣蟾蜍注水搖寒碧蚪書鳥迹辨
模糊嶧山難訪秦時石漫將蠲扁細商量幾能煤麝功勛
策蛟慵螭嬾蚯蚓蟠學書未成手如戟銷盡桑生鐵一方
磨墨磨人慨陳迹刮膜重看甌上文日日臨池望三益歌
罷濡毫寫赫蹏隄麋光射窗紗白

中秋四首和頻伽居士靈芬館韻

浙瀝宵未歇古砌吟秋蟲浮雲翳朗月望眼徒朦朧故園
阻長道攬景區異同蕭瑟怯衣單披拂憐雌風幸有插架
書寢饋於其中黃初暨大厯尙友忻相逢

亂峰障淮濱善稻穀梁記我來閱五稔端居祇蕉萃從游
有棊葩推敲詩律細檐際青琅玕積陰新粉墜良辰正團
樂棣華念予季何當賃廡春鹿車挽椎髻

中秋與上元晴雨無二天此說太拘泥印板胡云然譬如人墮地通塞難強焉塗泥軒冕判詎必關愚賢蟾光偶匿彩華鐙足清懽莫徇猥瑣輩隨俗爲喧寒

流光荏苒去旣去還復來但願人長久坡老時低徊嬋娟千里共窮愁安論哉坎壈增感傷懷舊賦八哀誰著五銖衣輕舉凌塵埃冰輪十分滿對影酬深杯

宋丈實父學博以家醴谷

之蓉

檢討半舫詩集暨筠

莊之芳

侍御所纂漢名臣言行錄見餉並附佳石

屬鐫私印賦長歌二十韻

吾家珠湖兩太史名譽烜赫傳神州棣華競爽重文苑如椽健筆今枚鄒微雲快壻我執友

學博前後兩娶係兩太史女孫

怡然相

見京華秋寓書遠餉二專集發函珍重逾琅球鴻博新詩

號半舫淵明子厚高唱酬

檢討晚年特好陶柳二集
門人茹敦和詩序中語 弔古

懷賢意蒼莽直與魏晉樂府侔追和韓蘇石鼓韻木難火

齊珊瑚鉤當年衡文赴東粵藥籠篋朶殷懃收我讀斯編

望洋歎崑崙源瀉黃河流筠莊侍御粹經術淹貫史籍無

全牛兩漢名臣錄嘉懿發凡起例精校讐班書范志最闕

富饋貧幾冊充乾餼手定禹貢彙覽注已山作序刀闢幽

王漢階太史係
侍御同歲生

櫟括毛

晃傳寅

稱善本鏗鏗經說童蒙求

此稟蕭齋火藏弄副以茲刻光凝眸先生歸去日無事秉

鐸宿州引疾
已十年矣

但藉著述銷窮愁謝病應同孔巢父稽古不

讓李鄴侯貽來絕勝百朋錫一瓶何用增煩憂衰年竊笑

手腕弱桃花魚腦艱雕鏤付與牀頭捉刀客細商螭扁蟠

蛟蚪

幼時曾學篆刻輒復棄去數十年來人不奏
刀矣所寄佳石因轉乞子甲從姪代刻奉報

書劉文清公家言長卷後

公視學直隸時寄姬人川華居士手札共廿餘通卷

長丈餘今藏安邱劉莊年觀察家

油螺松餅諸鄉味璵屑家言一一搜緘付月華居士讀不
教韋陟擅風流

中閨才調更清腴筆法簪花妙不殊冀北衡文宵漏永輕
寒半臂寄曾無

蕭煒字青南號乙齋高安人嘉慶辛酉舉人有乙齋詩
鈔

下第出都赴汴梁呈同行胡魯齋熊芋香

日歸長策少金盡更紆徐苦費中人產高乘下澤車休登
廣武歎聊訪信陵居吾道癭瓢在酣歌且莫疏

貴溪謁謝文節祠

一書堅卻聘已辨首陽飢慷慨攀髯志從容賣卜時江山
鄰汐社俎豆並文祠龍虎蒼蒼色千秋拜水湄

焦循字里堂江都人嘉慶辛酉舉人有雕菰樓集

阮芸臺曰里堂樸厚篤學達於經義尤精天文步算
爬梳抉摘多前人所未發餘事爲詩詞亦皆老成
詩話里堂詩質而有味一洗俗韻亦無經生膚廓之
習集中與人論詩云雕鏤易工高曠難學勿學齊梁
其格非弱古律之問實爲之箭自道
所得之言也子虎玉詩亦有淵源

佛峪

朝從佛峪游五步一回曲懸崖愕人意亂石躓馬足窗收
鐵角雲樹接龍潭綠安得李營邱圖之饋凡俗

冬日雜吟

古墓犁爲田古田築爲墓消息如川流逝者誰能駐村媪
無是非抵掌話今古村老無禮儀酌酒辨賓主捆藁障隙

風倚柯運齊斧計歲爲饗飧方寸絕城府隨序樂有餘自
食力勤苦

勤苦在祖父游惰在子孫粗糲日以厭視聽日以昏既恥
樸陋見鮮服行市門市門無藉多交結爲攀援惟誦飲博
豪不聞田舍言田舍一朝盡單子無饗飧

儒者崇空虛聚徒說心性莠民亦效之左道干法令食芹
莫食蛭食蛭生疴病事儒莫事魔事魔絕身命大道若路
然孝弟重百行烹肉養尊親殷殷告眾姓

負販不得意白頭爲蒙師茅堂僂背入窗紙明朝曦童子
六七人課餘相爲炊瓦盆燒枯桑一屋春熙熙珠盤粟米
習雜字券煎宜捫蝨誨不倦安用風雲詞

夕陽

共道夕陽好晚來晴更宜纔明半灣水已上最高枝雨腳
逐雲去虹頭飲澗遲人情知易厭不肯駐多時

湖村

湖村足棲止兩歲覺秋清霜肅葉還綠吟高鳥不驚競心
緣病息衰髮逐秋生只願親身健年荒亦太平

買菊

重陽風雨徧揚州買得秋花又一秋說是傲霜吾不信朝
來籬下總垂頭

贈漁父

煙水菰蘆一釣橫偶然相遇說平生姓名本未傳人世不
用逢人變姓名

張興鏞字金冶江蘇華亭人嘉慶辛酉舉人有紅椒山

館詩鈔

游亭林寶雲寺訪顧侍郎讀書堆洗研池遺跡并讀

趙承旨寶雲寺碑

異代名藍雜市廛寶雲遺額到今傳讀書堆上草成帶洗
硯池邊苔作錢千載空留華表語一碑猶識至元鐫從容
野衲憑相問觸忤愁心爲破禪

寄妹

燕山悵望雁南飛客舍頻年憶令暉別人祇驚時節換路
長定訝信音稀大羅有夢身空到上藥無成計屢非何日
故園同翦燭七絲湘水夜深揮

吳文炳字柳門涇縣人嘉慶辛酉舉人有香雪山莊詩

集

秋柳

長短亭前萬柳斜，不堪攀折寄天涯。
悲涼關塞蕭蕭馬，冷落江村點點鴉。
荒草有情偏惹恨，夕陽何處更飛花。
幾聲斷續哀蟬曲，寒倚柴門處士家。

曾瑤字玉墀，新化人。嘉慶辛酉舉人，有栗塢殘橐。

雨中龍溪道上

花時細雨出龍溪，柳絮春風送馬蹏。
燕子泥融官道滑，鴨頭水漲野橋低。
破愁當得澆腸酒，望遠曾無刮膜鍼。
暗數舊時經歷處，年年芳草一萋萋。

周爾墉字容齋，嘉善人。嘉慶辛酉副貢，歷官戶部郎中，有學福樓詩鈔。

詩話容齋先生工書，承其家法。官京師，與昆明趙文恪齊名。少年侍宦河雒，老居邱壑，以忤時宰引疾歸。

長君勉民方伯士鏐時官河南汝甯知府因復就養
入中州主講彝山書院先後客汴幾四十年故與余
家世篤交好歿後勉民哀其遺蹟鐫石曰學福
樓墨刻詩爲其甥曹治豐所輯多少年之作

游潮音寺

野寺依江渚長江接寺垣晚潮平繞郭落日正當門水驛
漁鐙細僧寮古佛尊遙山盤一塔鈴語月黃昏

發孟津渡河

西北羣山東黃河勢盡東平沙六月雪激浪一天風客鼓
中流棹霞蒸隔岸虹長隄官柳碧落日認磨銅

謝椒石觀察以移居述懷詩見示卽如原韻奉酬

詩瓢茗椀一鑪香失馬真能泯激昂入座酒槍招客醉插
瓶花箭任蜂狂歸田未輯歐公錄種樹閒求郭氏方休道
駕湖煙水闊天隨可許學農皇

秦鏡歌

金人十二銷戈戟合歡鑄出團樂壁團樂如月色如霜阿
房曾照銀河夕銀河不夜羣仙宴蓬萊咫尺通明殿秦山
勒石雖萬世鎬池別有神仙眷可憐徐市樓船去不還不
如鏡背雙飛燕飛燕年年海上來神仙海上應相見驪山
山下銅三泉虎視六合人長眠雖攜百鍊照膽去難從身
後照生前銀蠶金雀皆幽穴含光同作河梁別土花碧點
鸚鵡斑鏽暈紅生杜鵑血何時地市到人間牧兒一炬功
何烈滴水蟾蜍碧唾壺茂陵甲帳迺同轍秦地山河已劫
灰雲煙過眼徒徘徊黃金鳧雁皆磨泐一片寒冰凍不開
祖龍不能自鏡鏡萬世乃令此鏡今日猶塵埃嗚呼帝王
之鏡在三古碎銅零瓦終灰土後人得此轉快心發匱自

勝珍璜琬伴以晉磚礪作研位置裴几輝窗戶

余藏晉永嘉磚研一

同向蕭齋敘古歡摩挲氣作長虹吐

雪霽寒甚

良農望歲一年中天遣瓊瑤報屢豐負郭愧無三畝託巡
檐喜與萬家同光陰易度閒窗馬鄉信獐傳在野鴻粳稻
東南財賦地可憐橫潦尙酸風

雪霽對南嵩有懷夏三蘭修

羣山挾霽色闐然落檐際晨起對煙鬟粉漬芙蓉髻此時
啟南窗忽憶同岑契我有素心交冰雪得天慧偉抱通三
古游心在六藝心源浩浩來意則詞尤麗迢遞隔雲端雲
濃但高睨我無長房術千里能縮地如帶有長河誰能舟
楫濟與子握手來羲娥遞四歲朋簪會合問倏如舟不繫

長安子雲居明年又相綴題襟原有時非惜景光逝所惜
清景難不得同清霽吸茗對南山無言而遙睇

程懷璟字玉農號小宋雲夢人嘉慶辛酉拔貢歷官江
蘇按察使有不波山房詩

山行有懷雨農兼寄春卿

高山生白雲山爲雲氣擁天風一吹盪雲挾山欲動無意
入雲中溼煙如海湧古樹鬱蒼翠危石露龍嵒時聞鳴鶴
聲疑躡仙人踵仰窺天近遠一氣接瀕洞出雲復入雲馬
首雙耳聳我欲袖雲歸妙手莫能捧羨子山中人著書得
幾種盡日看雲飛心清絕俗冗

游俠曲

醉解千金貂飛控五花馬大雪滿天山射虎天山下

張允垂字升吉號柳泉婁縣人嘉慶辛酉拔貢歷官杭
州知府有傳硯堂詩存

古硯歌

硯爲姜白石物

臨安王氣黯然歛金盤玉盃嗟沈沒獨有洞天一片珍
摻剔雲根琢詩骨彭蠡之水康郎山奇人往往生其間
奉常律呂羣議闢苔雪棲遲一第艱吹簫度曲亦何有
垂虹亭畔空回首誰識當時制作材賞心惟數武夷叟
西馬塍邊墓草荒我曾醺酒弔斜陽小朝廷祇苟活耳
如公那許來回翔摩挲斯硯增歎息楊范樓辛虛左席
假若攜持上玉堂也應視草輝鸞掖寂寞人閒六百春
宣和博古早成塵武康山石永不滅墨花點點同堅珉

梁芷林方伯仿禹鴻臚卜居圖

江南煙雨春波綠琅玕萬个鳴寒玉水邊離落三兩家幽
居往往成空谷那識此身落畫圖喜公宦跡來三吳斯文
雄奇扶大雅餘韻瀟灑摹鴻臚韓蘇當年富述作攄懷各
有歸田約縱教勲業炳丹青肯以簪裾憑束縛溯昔曾陪
豹尾班征鞍共跨恣盤桓天風吹公上絕頂憶我詩句渺
雲端昔以扈從登盤山有作公尙憶之披圖恍愜漁樵趣卽今容我溪山
住凌煙畫就卸朝衫武彝九曲深林處

陳鴻壽字子恭號曼生錢塘人嘉慶辛酉拔貢歷官南

河海防同知有種榆仙館詩集

詩話曼生與從弟雲伯同受知於阮文達公招致幕
中文達稱其詩才亞於雲伯而峭拔秀逸過之生平
以書名詩不多作反爲書掩晚官南河時與葛廉山
郭頻伽諸人提倡風雅遠近名士來游者幾滿賓館
集中所存仍以
早年之作爲多

葛嶺懷古

明月香風十二樓平章湖上恣句留半閒未許神仙占後
樂何知將士憂蟋蟀聲驕蘋草捷鬼車唳斷木棉秋福華
編就看如夢流水桃花爲爾愁

阮雲臺閣學師重摹石鼓歌用東坡韻

我後坡公幾辛丑集古不見六一叟石鼓又經七百年點
黼欲化長虹走湧盟滌漈既聲牙趨趨稽蜀詎適口何如
吉癸字無多疇茲疑案壇山後前年天藻重編排抉剔文
義還什九其胡孔庶羅簋鬲亦有鯢鯢囊楊柳收縮元氣
歸豪芒轉動天樞燦星斗從臣才藝簡選精珍宜拱壁懸
臂肘連江僞刻何足論若粟去秕苗去莠瑯嬛仙人一代
宗龍文健筆蘇韓友金石借證經史譌斤權忝毆悟穀穀

天下流傳祕本希三百餘字襲蝌蚪緬思蘇李張寶徐歐
褚虞杜皆前者品評墨妙羣推崇獵碣潛驅犬羊喉諸侯
劍佩騁雄俊錫以彤弓及鬯卣大書深刻理則那昭示日
月振矇眊陳倉鳳翔蹤蹟奇不將荒幻等岫嶠日炙雨淋
致漫漶要其氣體彌深厚重摹安置郡學中參訂同觀誌
某某十三經版各輝映鳳翥龍翔屬誰有由來作人邦家
基南山頌栲北山杻竟擬兼金耀虓虎肯比朱絲約芻狗
愛古端資汲綆深如公真與韻猶偶惜早沈沙更嵌金遂
令讀者徒搔首歲年甲乙從缺略毋怪亭林事攻掎我聞
神異靖康時濟河風大重莫取至今壁合珠亦聯園橋左
右離塵垢文武成康流澤長中興遺跡蛟龍守貞珉況復
樹東南文物聲名長不朽吳山栽栽浙水深猗歟休哉萬

年壽

塞上曲

白骨青燐瀚海頭琵琶一曲起邊愁
眼前滴盡征人淚併作黃河地底流

弓彎霹靂射天狐驚落雙雕萬眾呼
好語將軍休見妒淩煙曾見幾人圖

宋自公堂後雙古柏

玉池雙桐近百尺天台古藤垂萬年
昔從泰岱問封禪攬擎龍虎盤風煙
空堂無人老狐入夜深屋脊鵂鶵泣
白雁飛歸五百年兩行蒼翠霑衣溼
一株薜蝕稍空腔一株勁直不肯降
離纒瑣碎散瓔珞硯池亂落柏子香
題名遠紀熙甯代東坡舊友分明在
耜田手詔保甯軍元暢樓高碧

山對

西漢黃龍甌八甌吟館分賦

咸陽漢龍興工築事稠杳冠山朱堂崇瓴甌旅人納此傳
紀黃龍銘文椎響搗苔蝕文多殘測蠡義難合病已蟲識
成祥符報雜還黃龍見廣漢火及宣室閣烏唬未央宮改
元歲一帀當時執桴無爲苦批拉大黃兆威斗銅仙泣
蕭颯殘壁埋荆榛月夜狐狸踏幸非鑿臼科庶免累層塔
四角暨中央完好少齧踰何年出鄂杜何時渡涕淚中有
地里書鎬吐復豐飲吾師誌金石翦鐙卜簪盍虞敦識立
位甌鐘辨鞶韞五鳳時代同甌珠雙韎韐八甌耀日華賓
從互酬答研墨銅雀瓦寫詩趁官蠟

洪頤煊字旌賢號筠軒臨海人嘉慶辛酉拔貢官廣東

新興知縣有筠軒詩鈔

詩話筠軒苦志力學與兄坤煊弟震煊稱三洪筠軒著書幾百卷刻行未竟遭兵火散失亡論惜之

定州晚發

殘星猶在樹驅馬向西行野戍霜華重荒郊露氣清車鈴連遠道寺塔迴層城我已栖栖慣年來不記程

李富孫字既沔號薌止嘉興人嘉慶辛酉拔貢有校經廬集

詩話康熙乾隆兩舉大科人文極盛己未則有阮芸臺詞科科據錄秦小峴詞科科錄丙辰則有杭堇浦詞科掌錄詞科科餘話全謝山公車徵士錄沈椒園詞科同年錄至薌止族祖敬堂大令集薌萃諸書勒爲一編草創未竟薌止爲之整齊排比成鶴徵錄六卷後錄十二卷一時曠典文獻俱存薌止與兄超孫奉屏從弟遇孫金瀾有聲於時稱後三李奉屏治詩金瀾治尚書薌止治易並兼通金石校勘之學著作斐然

鷹窠頂觀日出歌

東南澤國橫神山迤邐綿亙無涯垠鷹窠之頂勢萃律但
見眾峰羅列如兒孫秋來木葉脫嶄然露孱顏獅頭巖接
九曲逕天風蓬勃難躋攀披衣振策淩絕磴目極巨浸連
彎環惟茲十月逢合朔黃白同度氏角閒歸墟掣洩晨光
動燾微倒影扶桑噉哉生一魄但隱見空中摩盪蛟龍淵
須臾紅霞衝萬丈精光迸出白玉盤碧然劈開烏與兔波
濤洶涌跳雙丸銀瀾沈璧彩雪浪翻金盆玉樹琪花互掩
映蓬壺瑤闕紛烟煴參差島嶼散奇綺目之所注移神魂
何須訪泰岳躡崇巒登日觀窺天門卽此海嶠臨湯谷已
覺波雲燦爛上下相吐吞嗟彼祖龍思東渡射蛟鞭石心
煩寃浮天浩淼不可至沙中一柱徒空存若木枝拂神仙
窟憑高遐矚稱奇觀天雞三號旦復旦飽看羲和策馭山

之巔

岳倦翁家祭銅爵

金陀坊冷遡悲風舊物流傳紀倦翁千載英雄如此少一
家異數與誰同湖山難雪殲讐恨俎豆堪酬報國忠太息
粹編留軼事摩挲銘字思無窮

冬日曉望

郡閣淩虛福地通四圍煙景曉濛濛寒山遶繞孤城外廢
塔空撐古寺中水淨鷗沙隨上下雲開雁路各西東天涯
迢遞增惆悵無限霜林映冷楓

李士楨字廣成號東田番禺人嘉慶辛酉拔貢有青梅
集詩鈔

詩話東田九歲卽能詩爲大興朱文正所賞一日以
鮮荔支餉東田屬作七古用昌黎游青龍寺韻東田

詩至文正亦依韻作一詩示之有云荔支品冠舉似
生色香雙絕神漿滿雲茶嫫媿不掉頭一樹珊瑚傾
寶綴又云分甘自是廟筵珍論松且與雲山伴三田
膏露已清肥九轉華池頻漱潄天映國鑑我非談掣
電傾城君勿傾時東田方
應童試文正之愛才如此

綠蘭塘

水碧沙明處青山露一層亂楓圍馬棧孤艇曬魚脰問渡
去何急買田歸未能遙知林際寺閒殺白雲僧

次河源水口步月河上村作

擊汰踰南岸東流匯清泚人煙動欲喧客飯行漸止山沈
古縣綠日落野沙紫榕枝低護塔棟葉遠成里危檣蚌席
家細草漁鐙浹河聲吼遙夜月色明苑施維艣擇塘汎結
襪尋墟市散步踏蟾光一一銀灘徙松乾星射屋石轉雲
迷水天睡雪半鎔地闊風尤起微聞宿鳥呼冰心滿芳沚

蚤發黃鼎

古戍石岩巍，羈心積一宵。
近家情轉怯，去國夢難消。
馬色見殘月，雞聲聞怒潮。
神叢有風力，憑爾送歸橈。

七月

登高四望山煙碧，獨立一年池柳黃。
古人爲客竟白首，今我寄書非故鄉。
曹公鼓吏能作賦，孫權釣臺堪舉觴。
生平壯心苦未已，記室寂寞西風涼。

黃鵬詞

楚郊三月多黃鵬，飛上綠楊高樹枝。
身輕舌巧羽毛麗，一點深黃露煙際。
趨時應節最善唳，畫簾東畔金塘西。
河蒲茸茸吹粉雨，日斜來看歌童舞。
羈雌幾度感黃袍，紫燕前頭避伯勞。
鳳城簫管聽離別，杜宇聲傳蜀岡血。
樊姬墓草

紀南門客望天涯正斷魂
梁家貴主園林畔荆棘風搖鷗
鵠歎可憐曇首淚雙懸美人寂寞花淩亂

周鉅勳字亞侯號雲臺甯鄉人嘉慶辛酉拔貢有還湘集粵游草

全州道中

千里輕游興孤篷窄未嫌入湘江水淨近粵石山尖灘陡風偏逆春寒雨覺纖旅愁何處寄貰酒夜鐙帘

疊綵山風洞

山麓金仙幾劫塵陰崖別自貯長春雲根曲曲詩題徧風信番番日換新泉漏花欄疑雨過峯圍塔穎與天鄰凭樓無限登臨興極目湘灘懷客神

陳舜咨字咨牧又字雲樹號春隄永嘉人嘉慶辛酉拔

貢有茶話軒詩集

安平縣

暝色滿平壩夕陽猶未沈雲邊雙鳥度城上一峯陰荒市
靜如野人煙寒出林敝裘須檢點冷意坐相侵

沈承瑞字香餘漢軍旗人優貢考授訓導有香餘詩鈔

詩話白山黑水間武功蔚起焄赫一代而文化開闢較晚香餘少游京師從學於蔣心餘太史始以詩鳴累舉不第薄游江湖無所遇歸而教授鄉里多所成就邊陲風雅於此導源其詩清遠高亮有慷慨悲歌之氣

江上吟

初日升東山照耀江水赤微風蕩桃花流水杳無迹江上
誰家子扁舟自弄笛散髮任夷游忘情淡今昔曲罷人不
知蒼茫煙樹碧

長白山

帝業荒東北茲山實效靈龍形蟠大野雲氣撼滄溟水瀉
雙流白天開萬古青何年駐鑾蹕珥筆侍仙廷

松花江

東去大江水高原何處來混同天一色長白雪千堆遠塞
茫茫劃江北流與蒙古分界孤城濫濫開北山一登眺惆悵濟川材

姜女祠

姜女荒祠何處存紅邊牆外老軍屯白楊鸛雀唳朝日赤
水竈鼉吼夜魂血淚拋殘城北角蛾眉望斷海東門寒衣
萬里心常在傳信傳疑莫細論

葉赫城

還來問舊城稼穡不知兵水帶孤村迴風兼野馬鳴高山

餘破壘半塔矗荒營遲日鄉三老呼牛隴上行

鐵嶺

當門橫鐵嶺古郡號銀州市小人煙雜天荒草木秋廢城
丁字泊殘壁李家樓祇有柴河水年年繞縣流

小茄園雜興

良禽在高樹對語時關關攜朋坐其下片雲南山還來去
人無心動靜物自閒浩然春已暮窗前綠不刪
少年采三秀同心遺所思臭味欲常好聚散無定時坐我
綠窗下風雨愁鳴雞菜根亦有香彈鋏者何爲
疎疎天上星淡淡池中水潛魚靜夜瀾明珠在波底照見
素人心上下億萬里纖雲隔不住大風吹不起

彌望

白日江流接遠天紫臺秋色下寒煙魚龍戲水雲容黯雕
鶚盤空風力騫不信漁樵終溷迹可能雞犬共登仙此身
未老心猶壯彌望千秋一灑然

晚晴簃詩匯卷一百十六終